

دارالفنون

ادبیات فارسی و عربی

فلسفہ ، اجتماعیات ، تاریخ ، جغرافیا ، ادبیات

ایکی آبدہ بر نشر اول نور

مندرجات

فلسفہ اصطلاحی		ذیل نعمۃ اللہ
ابتدائی ذہنیت		" "
فارابی نک خلفی		از میری اسماعیل مفی
روصونک تربیہ پرہنسیلی		اسماعیل مفی
بصری بیلکینک پرہنسیلینہ مدخل		اور خانہ معرالدینہ

ابتدائی ذہنیت

— ۵ —

فال (مابعد)

۱

ابتدائی مساعد بر فالی کورودومی امنیتله مطمئن اولور. کندینی ایشه باشلامه یه جسارتلی، قوتلی بولور، موفقیتدن امین اولور. بوتون جهدینی اوایشه صرف ایدر، وفی الحقیقه چوق کرده موفق اولور.

فقط فال عکسی ظهور ایدر سه نه یاپه جقدر؟ بو عکسیلک امکاتی کوردکجه فالدن اجتناب ایدر. سفره چیقماز، یاخود اگر یوله چیقمش بولنور سه، عودت ایدر. باشلادیغی ایشی ترک ایدر. بز، غیر مساعد بر فالک ظهورندن دولایی بورنه ئو یرلیسنک یولجیلقدن واز کچدیکنی، برقایق یایمق ایچین بویوک زحمتلرله اورماندن کسیدیکی آغاجی بر اقدیغی، الخ کوردک.

بونکله برابر هر وقت اجتناب ممکن اولماز. اگر مشئوم فال یولجیلر آرتق کندی محللرندن پک اوزاقلره قادار کیتدیکی، وواره جقلری یره پک یاقین بر محله ظهور ایدر سه نه اوله جقدر؟ اگر تارلا سورولدکن و توخوم اکیلدکن صوکر ظهور ایدر سه نه اوله جقدر؟ بو حالده نه یه قرار ویریلیر. ارتق مشکلاتی ازاله ایدر جک چاره یی بولمق ایچین، وکوتو فالی ایی بر معناده تفسیر ایتک یاخود هیچ اولماز سه اونى بی طرف بر حاله صوفق ایچین بر طاقم عقلی محاکمه لره مراجعت اولمق لازم کلیر. علی الخصوص کوتوفالک بیلدیردیکی فلاکت حصوله کلیدیکی مدتجه اونکله مجادله ایتک ایچین بر اصوله یاخود داها زیاده بر چوق اصولره مراجعت ایتک لازم کلیر.

اول امرده ملاحظه ایدیله بیلیرکه قرار قطعی دکدر، و مشئوم اوله رق ظهور ایدن واقعهدن جسارتسزلکه دوشمکسزن مساعد فالک تحریسنه دوام اولنور. بو، اک بسیط

واک چوق استعمال اولنان برطریقدر . مأمول اولان ای فال حصول بولدیمی ، اوتہ کی فاللری ازالہ ایدر . در حال حرکتہ کچیلیر . چونکہ بوسفر مشئوم اولان یکی بر فالک ظهور ایدوبده یکیدن واز کچمہ بی الزام ایتمسندن قورقولور . یاخود مشئوم فال باقیجیلق واسطہ سیلہ تدقیق اولنور . « بوتون فاللرک اک مشئومی ، هانکی نوعدن اولورسہ اولسون ئولو بر حیوانک بولنسی ، وعلی الخصوص فالی وجودہ کتیرہن نوعلردن بر یسنک اکیلمش تارلا اوزرنده بولنسیدر . بوفال بوتون محصولاتہ مهلک بر زہرایثار ایدر ، وتارلا صاحبک عائلہ سندن شو ویا بو شخصلردن بری اوسنہ وفات ایدہ جددر . بومدهش فال ظهور ایتدیمی ، بردوموز ئولدورولور ، ئولور ئولمز ، اونک جکری معاینہ ایدیلہرک بوفال تدقیق اولنور . اکر فال تأید ایدرسہ او تارلایہ اکیلمش اولان بوتون پرنچلر صاتیلحق ایجاب ایدر ، وبوعائلہنک ، اکر لازمہسہ ، کندی تعیشی ایچین بر دیگر تارلای صاتین آلمسی لازمکہ جکدر . بو پرنچلر دیگر اشخاص طرفندن یکیلمش اولہ بیلیر ، زیرا بوفال ہمن کیمک علیہنہ توجہ ایتمش ایسہ آنجاق اوکا تأثیر ایدر . »

بوصوک اشارت شرنندن دولایدرکہ فاللک تفہمندہ مندیج اولان علیت نسبتی ، عینی زماندہ کندیہ کلیندہ تصور ایدلہمش اولہرق ، کندی حدلرنده کیفی اولہرق Qualitativement ہن ایدلہمش . بو ، چوق متنوع اولان صورتلردن بریسی درکہ ، بو واسطہ ایلہ ابتدائیلرک معشری تصورلرینک آز مفہومچی اولان Conceptuel وصفی کندیگی کوسترمش اولور . کذلک بو حال بر چوق ابتدائی جمعیتلردہ بولونور . بویلہجہ یوقاری قونغودہ « بر کویک قییسندہ کوزوکن بر ہیپوپوتام برعائلہیہ کورہ بر حرب فالی اولہ بیلیر ، ودیگر برعائلہیہ کورہ ہیچ برشی افادہ ایتمز ؛ بر فیضان معین برعائلہ ایچین بر قیطلق و فلاکت علامتی اولہ بیلیر ، بر دیگرینی ایسہ ہیچ متأثر ایتمز ؛ قوجہ مان بر آغاچ دالغہ یپارق ، نہردن کلدیمی ، برکویہ کورہ بر چوق خستہ لقلرہ وئولوملرہ علامت اولہ بیلیر ، حالبوکہ دیگر برکوی بوکا ہیچ اہمیت ویرمز . »

موسیو پرہام علاوہ دیورکہ « متقدم فالدن داہا آز مشئوم اولان بر فالک تأثیرلرندن قورتولق ایچین بر دیگر چارہ واردر (موسیو پرہام طرفندن قوللانیلان تعبیرلر ، کورولدیکی کی ، فالک رعلت اولوب اونک وجودہ کتیردیکی اثرلرک موضوع بحث اولدینی قطعاً تضمن ایدر) . بعض آداملر واردرکہ خصوصی بر بویو تأثیری موجبنجہ ، یاخود قوش - جسم لطیفلرک توجہی واسطہ سیلہ اونلرک قلبلرنده یاخود جسملرنده فنا فالہ غلبہ ایدہ جک

بر اقدارہ مالک اولدقلرینه اینانیلیر . بو آداملر نه قدر آز اولورسه اولسون تارلانک
محصولدن برشی ییدیلر می ، فنا فالی منع ایتک اقتدارینی الده ایدرلر . بو آداملردن بریسنه
اوتارلاده چیقان وینیلن برشیئی ، یرلی ربوغدای دانه سی ، بر خردل تانه سی ، بر خیار
سورکونی ویریلیر . او آدام کندیسنه تأدیہ ایدیلن کوچوک برمبلغ مقابلنده بونی چی اوله رق
یر ، بونی یپارق مشئوم فالی کندینه ادخال ایدر ، فالده ارنک جسمنده تجاوزدن ساقط
بر حاله کلیر ؛ بویله جه بو آدام دیکر لرینک اوزرینه چوکن به مالی دن ، یا خود تابودن اونلری
قورتاریر . « بو عملیه ، فالک ماهیتی حقنده چوق واضح بر معلومات ویرر . اکر فال ساده جه ،
حالی بر قدرت طرفندن کوندرلمش بر فلاکت علامتی اولسه یدی ، اول امرده ، او فالی
ازاله ایتک ایچین تسکین ایدلمه سنه تشبث اولونان او قدرته ، یا خود اکر معلوم ایسه اونک
ممثلرینه مراجعت اولونمیه جقدی ؛ دایاق بونی دوشونمز . او ، سری بر قدرته ، یوکسک
سری بر قدرتی تقابل ایتدرر . فال منع ایدلمش دکلدر : مغلوب ایدلمش واحما ایدلمشدر .
فقط احوال مساعد اولدینی وقت ، اک چوق استعمال اولنان طریق ، مشئوم فالک
حصولی منع ایتکدر . مثلاً او غورسز بر قوشک صداسنی ایشیتمه مک ایچین او قدر کورولتو
ایدیلیرکه ، قوشک صداسی حصول بولسون ویا بولسون ، هیچ کیمسه طرفندن دویولماز .
« دیرکلر دیکیلدیکی وبر اوک چاتیبی وضع اولوندینی وقت ، یرلیر کندی دفلرینه
اوله وورورلرکه قولاقلری صاغرا لاشدیران بر کورولتو چیقاریرلر ، بوده هیچ بر قوشک
صداسی ایشیدلمه مک ایچین در . « صوکر ، بورای سو یله دن اکلا شیلیرکه ، اونسز بر اوک
انشاسنه باشلامق تهلیکه لی اوله جق اولان مساعد بر فال آلدہ ایدلمشدر . « بزم هیمز اوتورر
اوتورماز در حال دفلر کورولتولرینی ایکی مثلی ، اوچ مثلی آرتیردیلر ، بونکله مناسکک
ایفاسی اثناسنده او غورسز اولان بوتون صدالری ازاله ایتدیلر . « داها اول سیر سپنسر
سن جون بو آیینی مشاهده ایتش ایدی . « برکیکک صداسنی ایشتمک دائماً فنا بر فالدر ، ورنکاح
مراسمنده بوصدانک قولاقلرد وصولی منع ایتش اولمق ایچین ، دفلرینی و دومبه لکارینی
چالارلر . اکر بو مشئوم فل ، یرلیر تارلالرینه کتدیکی وقت ، کندینی ایشتدیررسه ،
کری به دونه رلر ، و بوتون کون اوتورلو ایشدن اجتناب ایدرلر . »
موسیو پرهام بونوعدن عمللرده برتناقض کورییور . اکر دایاقلر فنا فالک وقوعبولان
مراسم اوزرینه مشئوم بر تأثیر اجرا ایتدیکنه اینانیورلرسه ، فنا فالک کورولمش اولسنی
منع ایتدیکندن دولای بو مراسمی نیچین ترک ایدیورلر ؟ دیور . اونلرک دفلرینک

و داربو قہلرینک کورولتوسی کیکی باغیر تمامش ، ازیتی فنا جہتدن اوتدورمہ مش ، الخ
اولور . بر واقعہ نک ادراکنی رد ایتک ، اونی شائی اولمقدن منع اتمز . ہرنہ قادار ادراک
ایدلمہ مش ایسہدہ ، ینہ او موجوددر ، و معتاد اولان اثرینی حصولہ کتیرمز دکلدر .
فقط ، اول امردہ ، تناقض ، عمومبتلہ ابتدائی ذہنی اصلہ قورقوتماز . بز بیلورزکہ ،
علی الخصوص ، براز قوتلی بر حسک تأثیری آلتندہ ، ابتدائی ذہنیت او حسہ غایت ایی
مطابقت ایدر ، و بزم مشغول اولدیغمز احوالہ ، مشئوم فالی بر طرف ایتمکدہ دایاقلرہ
کورہ باشلیجہ منفعت واردر . اونلر محترص بر حالہ او مشئوم فالک ظہور ایتہ مسنی
بکلرلر .

ثانیاً ، مشئوم فال بر حرب قہرمانی کی قورقولو دکلدر ، بلکہ بر علت ، بر قوت ،
یاخود ہیچ اولمازسہ ، بر قوتک انتقال واسطہ سی اولہرق قورقولودر . ذاتاً اشتراک قانونی
موجبنجہ ، ابتدائی بر قوت ایلہ اونک انتقال واسطہ سنی ، فناقوتی محلنہ قادار ایصال ایتہدن
منع ایتش اولورلرسہ ، اکر اونی یولہ ایکن توقیف ایدرلرسہ ، ہمہن اونی احما ایدرلر ، بوصورتلہ
اونک اثرینہ تقدم ایتش اولورلر . یوقاریدہ اولدینی کی ، خصوصی بر بویو قوتنی حائر اولان برکیمسہ
مشئوم فالک تہدید ایتمکدہ اولدینی تارلادن چیقمش بر پرنج دانہ سی ییہ جک اولورسہ مشئوم
قوت بی طرف بر حالہ قونمش اولور . ایمدی ، بو طریق ، بر رابطہ سزلق ، رچوجو قلق دکلدر ؛
بو ، ضربہ بی بر طرف ایدن فعلی بر مدافعہدر .

فنا فالی منع ایتسک ایچین بوتون حیلہلر مرغوبدر . مثلاً « اکر کورہک چکرکن
شاہین مشئوم جہتدن کوزو کورسہ ، او وقت کندی رلرندن برقاج کونلک مسافہدہ اولوبدہ
دیگر برکویہ یاقین بولونورلرسہ ، ہمہن بریاریم صاغ یاپہرق ساحلہ یانا شیرلر و بر آتش
یاقلرلر (تشکر مقامندہ) . کینک استقامتنی تبدیل ایدرلر ، وشاہینی صاغہ آلرلر . بو
صورتلہ مطمئن اولہرق ، اسکیزی کی سیاحتلرینہ دوام ایدرلر . » کرک شاہین انجاق
کو تو برخبر کتیرمش ، کرک سادہ جہ وقوعہ کلہ جک شیشی بیلدیرمش اولسون چوجو قجہ
وعبت بر حرکتدر . دایاقلر جہ تخیل اولنان « حیلہ » ہیچ بر شیشی دیکش دیرمیہ جکدر .
فقط ، اکر شاہین ، ظہور ایتدیکی مکانک محلنہ نظراً ایی یاخود فنا اولان سری بر قوتک
انتقالی واسطہ سی ایسہ ، احوالہ ، اولہ بیلدیکی تقدیردہ بواسطہ دیکش دیرمک ، و مشئوم
اولہ جق یردہ اونی مسعود بر حالہ قویماق ہیچدہ عبت کلدر . بو ، سری قوتک پلانی اوزرنده ،
برما کنیستک برواپورک اولجہ یورودیکی جہتک عکسی اولان جہتہ واپوری چویرمک ایچین

پلاننده یاپدینی عملیه به مماثل برعملیه در . شاهینه ایدیان تشکرلر، شکران وجیهه سی اولان آتشی یاقق ایچین سیرو سفری تعطیل ایدن، ومقدس قوشله ا کلنمه به جسارت ایده میه جک اولان دایاقلرک جدیدتی و صمیمیتنی کوسترر .

اگر هر نه بهاسنه اولورسه اولسون ، فنافالک ظهورینی برطرف ایتک لازم کلرسه، لایخطی بر طریق بولمه به چالیشیله جقدر . بویله جه ، « تارلاده چالیشمه به باشلانیدیغنک ایلک کونی مشئوم برفالک فرقنه وارمق بالخاصه فلا کتیلدر : زیرا ، اکر اوکون صباحلین تارلایه کیدرکن بونلردن برینه تصادف ایدیله جک اولورسه بوتون برسنه تارلایه پرنج اکیلمز ؛ یالکیز باتانس، مصر بغدادی، الخ دیکیله بیلیر. بونی برطرف ایتک ایچین، ایلک دفعه تارلایه کیدلیدی وقت ، کیجه وقتی انتخاب اولنهرق کیدیلیر . »

بوکولنه جک ضرر سز برقورنازلقمیدر ؟- یرلیرک نفسنده شبهه سز بویوقدر . بالعکس، پرنجا کیلمه سنی بوتون اونلره ممنوع قیله جق اولان فنا تاثیرلری شبهه سز محو ایتمه به مقتدر، چوق جدی بر حیلدر . بو، عادتاً مدهش ر دوشمانی مضرتتی ایقاع ایده مز بر حاله قویقدر .

پکی ، مشئوم وقعه حصول بولوب دوام ایتدیمی، اونی انقطاعه اوغراتمق ایچین فال. قوشلره نیاز ایدیلیر . کندیلرینی داها مساعد کوسترمک ایچین ، اونلر حقنده مؤثر اولمق ایچین مختلف طرزله تشبث اولنور . اقتضا ایدرسه اونلر تهدید اولنور . بشنچی کونک صوکنده، که بوبش کون ظرفنده طاشان نهرک جریانی داها جوغالتیق ایچین کیجه کوندوز بویوک فورطنه لر دوام ایتدی ، بویرلیرک رهبری وحامیسی اولان فال-قوشلره نطق ایراد ایدلیدی ؛ نوبت نوبت طاتلی سوزلر سویلندی . وتهدید ایدیلدی . حتی بردفعه ، موفق اولنق سزین ، اونلری آلداتما به بیله تشبث ایدلیدی . بوتون هیئت ساحله چیقدی، وکندی پارانغلری و حربه لر یله مسلح اولاراق قامیشلره اورتولو واسع میدانده بر کزینتی یاپدیلر . بوندن مقصد قوشلری کیلرک عوت ایتک اوزره اولمایوب ، بلکه علی العاده بر آوسفری یاپدیقلرینه ایناندرمقدر .

« برکون تامامولرله ، که بزم قایغیمیزده بولنیوردی. بزم یاقین بردالک اوزرنده تونه مش اولان بر قوشه یومروغنی کوستردی، واوکا یاغموری دیندیرمدیکی ایچین تکیدرده بولندی. و بزم کندیسنه علاقه ایله باقدیغمیزی کورونجه صیقیندیلی بر صورتده کولومسه دی ، دیرسکفی

چویردی . و صوتوق صوتوق کوله رک : بیاض افندی ، قوشلره اینانماز ، تامابولانی دلی
یرینه قوردکلی ؟ دیدی .

بو حکایه دن سوکرا ، قوشلره طاند افعوله نک وقوعبولاجق برشیئی ساده جه اخبار ایتمکدن
عبارت اولدیغنی مدافعه ایتک کوچ کوزوکور . یرلیر اوصورتله حرکت ایدرلر که فیضانک
کسیلمسنک قوشلره طاند اولدیغنه قناعت ایتشلردر .

فالک منشاى ماهیتی بویه اولنجه ، فال ابتدائیلرک معشری تصورلرنده ، استقبالك برکشی
اولقله برابر همده مؤثر بر علت اولنجه ، همهن همهن بوتون آشاغی جمعیتلرده ، فنا فالی
کتیرهن حیوانک ، ممکن اولورسه ، احما ایدلک آرزوسنه تصادف ایدلمسنه حیرت ایدلر .
بورنه ئونک قایانلرنده « آمانه Aman » نوعندن اولار بوتون ییلانلر اوغورسزدر ؛ اکر برقایان
مثلا بر باتانغ لیم *Lima Batang* کورورسه اونی ئولدورمه یه صاواشه جقدر . فقط اکر
بونى یاپمازسه اوحالده صاقینیر !

بونک کی یکی زه لاندده « اکر بر سیاح کندی یولنک اوزرنده بر کرتشکه کورورسه
اوبو حیوانک کندیلمکندن کلدیکنی ، بلکه مشئوم بر فال اولق ایچین (aitua) واونک
ئولومنه سبب اولق ایچین بردوشمان طرفندن کوندیرلیدیکنی بیلیر . ایددی ، در حال کرتشکه یی
ئولدورور ، ویولده اونک اوزرندن کچیرمک ایچین برقادین آرار : بوصورتله فنا فال بر طرف
ایدلمش اولور . « بو حکایه ده استعمال اولنان تعبیرلر چوق ماهیتی کوسستر بر حالده در .
فنا فال ، یالکیز اوفالی کوره نیرلینک ئولمه سنی بیلدیرمک ایچین کوندیرلمش دکلدر ،
بلکه ئولومه « سببیت ویرمک » ایچین کوندیرلمشدر . کرتشکه ئولدورمکه کله حک ضریه
بر طرف ایدلمش اولور . قامچاتقاده ، سته لهر بو شیلری باشقا بر طرزده کوسستر .
« یرلیر کرتشکه لره بر آلتی حکمدارلغنک حاکمی طرفندن یر یوزنده انسانلری آریوب
بولق ، واونلره ئولوملرینی بیلدیرمک ایچین کوندیرلمش خفیه لر و مرخصلر نظریله ناقارلر ،
بونک ایچین کرتشکه لره دقت ایدلر ، بونلردن بری کوردیلر می ، اونک اوزرینه آتیلیر ،
بیجاقله پارچه لارلر ، بوصورتله اونک کندیلملریله مناسبتد بولنلرینه میدان ویرمزلر . اکر
فرقه وارماش اولورلرسه ، آرتق تماماً نومید اوله رق هر آن ئولومی بکلرلر ، فی الحقیقه
بعضی کرده اونلرک مخیله سنده بولنان ضربه نک تأثیریه یاخود علی العاده بر هموقوعلقه
ئولوم کلیر ، بو اعتقادده تأید ایتش اولور . « بوراده کرتشکه بسیط بر خبرجی اولیور
ظن ایدیله جکدر . فقط ، او حالده نیچین یرلی حیوانی اولدورمش اولقله کندیسنک

قورتولدیغنه ایانیور؟ نهدن کندیسنه ئولوم خبرنی کتیره نك امحاسی، اونی ئولمکدن منع اییدیور؟ ایمدی، بو یرلینک فعلی ده دایاقده کی کبی ایضاح ایلمک لازم کلیر. دایاق اوغورسز شوقک صداسنک ایشیدلمسنی منع ایتک ایچون داربوقه چالار. قوشدن داها زیاده، کرتنکله ساده جه فنا خبرلری ایصال ایدن دکلدر. کرتنکله تاثیر ایدن قوتک انتقال واسطه سیدر، وبو واسطه امحا ایدیلهرک قوت توقیف اولنور. کرتنکله ئولدورولنجه ارتق تصادفی اولان مصابنه هیچ برشی ایصال ایده مز: بناء علیه کرتنکله آلتی اولدینی سری قدرته ارجاع ایدلمش اولور.

یوقاری قونغوده «کویک برنده کیجه یاریسی بایقوشک مشئوم صداسی ایشیدلیدی وقت، صدا بر خبردرکه ئولومک بر مصابی انتخاب ایتک ایچین قولوبه لر آراسنده فرصت قوللامقده اولدیغنه دلالت ایدر. بو صدای ایشیدمن هرکس همهن کندینی یاقین اورمانه آتار؛ دکنک طاش ضربه لر یله بونلر اوغورسز خبرجی یی دفع ایدرلر.»

باشقه یرده ده تصادف اولتان بو واقعه تک تفسیری متقدم واقعه دن استخراج اولنور. بایقوش یالکز بر خبرجی دکلدر. صداسنی بیلدیردیکی ئولومک سببیدر. اونی دفع ایتمکله ئولوم اوزاقلاشدیرلمش اولور. فقط، عکسنه، اونی جلب ایتمکله فلاکت دعوت ایدلمش اولور. بو نوعدن بر جنایتی ارتکاب ایدن کیمسه، اکر کشف اولنورسه، شدتلی بر صورتده جزالاندیریلیر. دوقتور وانثره مان دیورکه «جنوبی آفریقاده بال قوشی دنیلن بر قوش وارددرکه بالی بولوب اوکا ساده کندیسی یالکز هجوم ایده مزسه باغیرمایه وکندینه دقت ایدیلنجیه قادار اتمیه دوام ایدر... اکر بوقوش قولبه یه کیررسه قافرلیلر بووقعه یی او قولوبه نك صاحبی ایچین بویوک بر فلاکت عد ایدرلر. برکون بر بال قوشی اوچارکن دوغروجه ئومهارلنک اوینه کیرر، واونک حربهلری اوزرینه قونار. بو مدهش بر قورقو تولید ایتدی.» بو، غازه لادرکه بونی کندی بویولریله یاپدی. دییه ئومهالا باغیردی، درحال حربه باشلامق ایچین بوتون کندی آداملرینی چاغیردی. غازه لاقورقدی، میسیونرلرک یانه التجا ایتدی. بونلرده ایشی دوزلتمیه موفق اولدیلر. «بوتون کورونوشه نظراً ئومهالا کندیسنی غازه لا طرفندن محکوم ایدلکیکنه (doomed) اینانیوردی. غازه لا ئومهالای بیك تورلو امحا ایده بیلیردی: اونی برفیله، بر آرسلا نه، بر تمساحه تسلیم ایتک، اونی مهلك برخاستالغه دوچار ایتک، الخ. اوباشقا بر آلت انتخاب ایتدی؛ غازه لا ئومهالایه فنا فال اولان بر قوش کوندردی، قوش اونک اوینه کیردی، واونک حربهلری اوزرینه قوندی. ئومهالا

کندینک محو اولدیغنی حس ایتدی . بویله جه فنا فال ، یعنی بال قوشی بو حاله کندیلرینه مصاب « تسلیم » ایدیلن تمساحك یاخود آرسلانك ایدنمش اولدقلری عینی سری قدرته تصرف ایدر .

۲

همهن همهن بوتون آشاغی جمعیتلرده ابتدائیلری چوق جانلی برصوتده تدهیش ایدن ، وفاللك ظهوریله تهدید ایدیله جکلرینی حس ایتدکلری فلا کته قارشى ، اك عزملی واسطه لرله قارشى قویمه یی ایجاب ایتدیرهن بر نوع خصوصی فاللره اشارت ایدلمشدر . بونلر معتاد اولان قاعده نك خارجنه چیقان بر طاقیم وقعهلر ، یاخود آز چوق عجائب اولان بعض موجودلردر ، رومالیرك مونسترا *Monstra* و پورتانتا *Portenta* لری کی . عمومیتله بونلری کوسترمک ایچین خصوصی برکله واردر . مثلاً المانیایه منسوب شرقی آفریقاده « ورهनु *Wuhenu* کلمه سی خاصه غریب ، یابانچی ، عاده مخالف برشیئی افاده ایدر : جسم لطیفیلر بر اثری حصوله کتیرمک یاخود بر انسانی ثولدورمه یی آرزو ایتدکلری وقت کندی خبرجیلرینی بیلدیرمه یه کوندردکلری برفاله بویله دینیر . »

بونوعدن برفال ظهور ایدنجه نه یاپیلیر ؟ عمومیتله استعمال اولنان اصول ، اکر مقتدر اولورسه درحال اونى احما ایتمکدر . عجائب شیئک بیلدیردیکنه قارشى کندینی محافظه ایتمک ایچین ، عجائب شی احما اولنور . اکر عجائب شی فلا کتی بیلدیرمکدن باشقا برشی یاپمامش اولسه یدی ، بواصول چوجوچه برعبث ایله اشتغال ایتمک اولوردی .

« واهامبا آلمده اکر بر چوجوق طوغارکن اولا آیاقلری ظهور ایدرسه او چوجوق ثولدورولور . » - « بر دیشی کچینک کندی غاٹلرینی ییمی نظر دقتی جلب ایدر ، بو فوق العاده حادثه بر *Utschai* (بویو تأثیرى) طرفندن سببیت ویرلمش اولور ، حیوانی قربان ایتمک لازم کلیر . »

« بونک کی ، بر دیشی کچی ایلك دفعه اوله رق طوغوروبده ایکیز یاورو یاپارسه ؛ بونده بر سحر بازلق اولدیغی آ کلاشیلیر ؛ آنا و یاورولرك ثولدورولمسی لازم کلیر . » - « اکر بر کوپک کندی غاٹلرینی ییرسه ، کوپک بر بویو تأثیرینه معروض قالمش اولدیغندن دولایى ثولدورولور . »

شرقی آفریقاده کیکویولرینک برچوق مماثل احوالده نه صورتله حرکت ایتدکلرینی

موسیو لھوہ بوتون تفصیلاتیہ تصویر ایتدی . بن اونلک یالکیز بعضی مثالرینی ذکر ایدم جکم . اکر براینک اوتلارکن قویروغنی بر آغاجه صارارسه ، اینک تهاهو *Thahu* در : همەن اونی ئولدورمک لازم کلیر . افندیسی طرفندن قربان ایدیلیر ؛ اختیارلر صیرت کیکنی وکنج محاربلرده بوینی آ ایرلر .

• نیانغای *Nyangai* دنیلن بیاض بر قوش واردر ؛ اکر بونلردن برینک بر اینک اوزرینه قوندینی کورولورسه ، واو ئولدورولمزه ، اونک صاحی تهاهو اوله جقدر و ئوله جقدر . همەن اینکی ئولدورمک و آ . کویک خارجنده تقسیم ایتک لازم کلیر ... اکر براینک بوینوزی برکیمسەنک الندن قورتولورسه حیوان تهاوودر ، اوقربان ایدیلیر . اکر بر بوغابخود براوکوز اوتلارکن سوروی ترک ایدوب ، یالکیز کیدر و کویک خارجنده قالیر ، بوینوزلری سوپروتی ییغنتی قاریشدریره ، بونکله اوکوزک تهاهو اولدینی آ کلا . شیلیر ، وصاحی اونی درحال ئولدورر .. اکر بردیشی کچی طوغورور ، یاورونک باشی اولاکلوب وجودی همەن ظهور ایتمزه اوکا تهاهو اولدی دینیر ، وصاحی اونی ئولدورر . اکر ایلك طوغوران برقادین ایکیز دنیاہ کتیرره ، بونلر تهاوودر ، وکویک بر اختیار قادینی ، چوق کره اُبه قادین بونلرک بوغازینه بوغولنجهیه قادار اوت طیقار ، و اونلری چالیلغه آتار .. اکر براینک یاخود بردیشی کچی ایکیز طوغورره ایلك دفعه طوغورو . یورسه عمومیتله اوئولدورولور ، الخ .

طوغارکن عادتە مخالف احوالندن دولای تهاهو ، یاخود عادتە مخالف فوق العادە بر فعلندن دولای تهاهو اولان ، و بناء علیہ مضمون بولنان حیوان ، طوغارکن معتاد اولان وضعیت خارجنده بولنان چوجوق ، نہایت ایکیز طوغانلر یالکیز کلەجک فلا کتی ییلدیرەن فنا بر فالدن عبارت دکدر . شرقی آفریقانک بو بانئورمە *Bantou* تهاهو اولان موجودلر ، صاحبلری ایچین ، مائللری ایچین ، بوتون کوی ایچین بر تهلکدر . کندی حالتلری ، یاخود کندی فعللریله کندیلرندە سری بر قوتدن شریر بر عمدەنک حضورینی میدانە چیقارمش اولورلر ، کہ اکر اونی محو ایتک ایچین بونلری ازاله ایدرک نظامی یولنە قویمامش اولسەلر ، اونک تأثیری مہلک اولور . اکر طوغوم زمانندە چوجوغلک ظہوری عادتە مخالف ، یاخود ایکیز طوغارسه بو حال بویوک بر فلا کتدر . بونکله برابر بوفلا کت واقع اولور ، حقیقی بردهشت اورتالنی صارار ؛ هرکس قاپار ، چونکہ لحوسه یی

یالکیز کورمکله ، جسم شیشمه دن قالیر ، وار حالده اونی ٹولدورمک لازم کلیر ، بوندن قورقولور . «

عینی اعتقاددن نشات ایدرک ، عینی افعال انکلتزمیه منسوب اولان شرقی آفریقاده واردر . « اولا آياغی کوزوکن چوجوق بوغولور . یرلیرک بوکا کوستردکلری سبب شودرکه ، اکر چوجوق یاشامایه براقیلسه اونلرک بوتون محصولی قورولقدن محو اوله جق حیوانلری ٹوله جک ، ودیکر برچوق فلا کتیر اونلرک اوزرینه چوکه جکدر . «

وارانفالرده « اکر بر طاووق کیجه یمورطلارسه ، او طاووق ٹولدورولور ، وینمز : یوقسه بویله یاپیلمازسه اؤک چوجوقلرندن بریسنک خاستالانه جغندن قورقولور . « ویقتوریا نیازاده بر آداده « ایکیزلر دوغار دوغماز بالچیقندن برقاپ ایچنه قونور ، وبر وادی یه بواقیلیر .. اوست طرفدن اؤک دیشلری اولا چیقان چوجوقلر ، بوواقعه هرکس اطلاعنه واصل اولنجه اوچوجوقلری ٹولدورمک لازم کلیر ، زیرا ، یوقسه بویله اولمازسه ، بو ، کوی ایچین بر فلا کته سبب اولور .. ذاتاً نه اختیارلر ، نه سقطلر ، نه دلیلر ، حتی نه ده جانیلر نه تشهیر اولنور ، نه ده ٹولدورولور . «

جنوبی آفریقاده هوتانتولرده « اکر طاووق خوروز کی ٹوته جک اولورسه ، او یاقالانیر وٹولدورولور ، یاخود ٹولومی انتاج ایدم جک صورتده قوغالانیر . اکر بویله یاپیلمازسه ، اونک صاحبی شهبه سز ٹوله جکدر . « — « اکر بر دیشی کچی ، دیور میسیونه رما که زی ، بر اؤک دامنه طیرمانیرسه ، درحال او کچی بر حربه ضربه سیله ٹولدورولور . کچی « خطا ایتمش » در ؛ او بر کچی یه طأ اولیان بر ایشی یامشدر . اکر او ٹولدورولمیه جک اولورسه ، کندی صاحبی بویولیه جکدر . بونک کی ، اکر بر اینک کیجه وقتی قویروغنی ورورسه ؛ بوپک وخیم بر حادثه در . بو ، خصوصی بر اسمی بولنان بر جنایتدر . بو اینک قیبا *Kiba* فعلی ارتکاب ایتدی دینیر؛ بو او اینکک ارتق اوته کی اینکلر کی اولمدیغنی تضمن ایدر . او بویولنمشدر ، و او اینک خاستالنی یاخود ٹولومی کندی صاحبنه یاخود اقربالرینه ایراث ایتک ایچین فرصت قوللار . زنکین بر آدم درحال بو حیوانی بر حربه ضربه سیله ٹولدورمکدن چکنمز . پک فقیر بر آدم ایرتسی صباح میسیونه رلره یاخود تجارلره کوتورور ، وصاتیلغه چیقاریر . «

کورولور که بوراده نه ارتق برنجی کشف ، نه ده ساده جه بیلدیرلش بر فلاکت موضوع

بحث دکلدر . قربان اولنان حیوان عادتہ مخالف بر فعل ، ہمن ہمن دینہ بیلیرکہ بر جرم ارتکاب ایتشددر ، وبو فعلی ارتکاب ایدرکن کندندہ شریر بر عمدہ نک موجودیتی اظہار ایتشددرکہ ، داہا ایسی بولنمادیغندن دولایی بویوسیلک تسمیہ اولنور . بو عمدہ نک مشئوم تاثیرندن قورتولمق ایچین ، حیوانی ٹولدورمک لازم کلیر . یوقسہ داہافنا تہلکہلرہ معروض قالنش اولور .

موسیو ژونود معتاد اولان نفوذ ووضوحیلہ با-رونفا *Ba-Rong* لک ، واولنلرک قومشولرینک بوکی احوالہ اتخاذ ایتدکلری حرکتی ایضاح ایتدی . « عینی زماندہ ایکی یاخود اوچ چوجوغک ورودی با-رونفالر طرفندن بویوک بر فلاکت ، برلکہ تلقی اولنور ، بوندن دولایی چوق خصوصی مناسک اجرا ایدرلر . . ایکیزلرہ تعلق ایدن عرفلرک بر سمیہ دن دیکرینہ کورہ تخالف ایتدیکی دوغرودر . اگر بعض قبیلہلر بونلری ٹلدورویورسہ دیکرلری بونی بر سعادت تلقی ایدرلر . . فقط ، دائما ایکیزلرک طوغومیلہ یاغموور آراسندہ بر مناسبت واردر . »

اک صوک چیقان ارنندہ موسیو ژونود شویلہ یازیور : ایکیز قبیلندن اولان عادتہ مخالف چوجوقلر ، بعض سمیہلردہ بوناپوری *Bona puri* مناسکی ایفا اولنمہ دن اول ٹولن چوجوقلر ، بوندن باشقا ، اوست طرفدن دیشلری اولا چیقان چوجوقلر ، شریر بروصفی حائزدر . بونلر بوتون مملکت ایچین بر فلاکتدر ، زیرا بونلرک کوکک سری قدرتی ایلہ بر مناسبتی واردر ، وبونلر بویلہجہ یاغمووری یاغمدن منع ایدرلر . بونفالقدن قورتولمہ نک اک بویوک چارہسی ، بونلرک نفوذینہ مقاومت ایتمہ نک یکانہ واسطہسی ، بوجوجوقلری رطوبتلی بریرہ کوممکدر . اگر بو یاپیلمازسہ ، رئیس بوکوچوک جسدلری مزارلرندن چیقارتمہی ، ونہرک یاقیننہ کومولمسنی امر ایدر . . . »

احتمال اک مشئوم علامت دیش چیقارمہ آنندہ ظاہر اولور . لیونیفستورہ بونی کوسترمہی اہمال ایتدی . « اگر برچوجوق یوقاریکی دیشلرینی آشاغیلرندن اول چیقاریرسہ ، او چوجوق فلاکت کتیرہ جکندن دولایی ٹلدورملیدر . بو چوق منتشر بر خرافہدر . بن ۱۸۵۹ دہ ماقولولورلدہ بولندیغ زمان سہ قہلوتودن برقادین کندی خدمتچیسنک چوجوغک بو سببدن دولایی ٹلدورلمسنہ ممانعت ایتدی . فقط پک آز کیمسہ اونک یاپدینی کی خلک حسیاتنہ مخالفت ایتمہیہ جسارت کوستردی . قازہمب مملکتندہ ، اگر

بر چو جو غك او يور كن بر طرفدن ديكر طرفه دونديكي كورولورسه او چو جوق تولدورولور .
 بويله قصور صايلان حالي كوستره ن بوتون چو جوقلر حقنده « عرب » چو جوقلر دينير ،
 چونكه عربلر بونوعدن خرافه لري يوقدر ، واكر ياقينده بر عرب بولنورسه چو جوق
 او كا هديه ايديلير . يوقسه ، چو جوق عا ئله يه فلاكت دعوت ايدر . »

« كوچوك بر كوي ايله چه وريلش قرال مزارى اولان ليقوانغرا ده ... يوقارى
 ديشلرلى آشاغى ديشلرندن اول چيقمش بر چو جوق بولدم . اونك باباسى ،
 بوقبيل چو جوقلرى بلكين مدهش طالعدن اونى قورتارمق ايچين سكز سنه صاقلامش
 ايدى . فقط بردوشمان اونى قالونغا يه اخبار ايتدى ، وكويده ظهور ايدن خاستالقلرك
 وتولوملرك - بى بوچو جوق اولديغنى ادعا ايتدى . بن باباسنى كورنجه چو جوغنى ممكن اولديغنى
 قادار چابوق بزم يانمزه كوتورمىنى سويلدم . مع التأسف ، برقاچ كون صوكرا زواللى بابا
 مايوس ، چو جوغنك بوغولدقن صوكرا كوله آتيلديغنى بزه بيلديرمه يه كلدى . » ريديكر
 ميسيونر ، سويليو : « بر قينكولا بر زنجى يه همهن همهن بر قيو (بر تولونك جسم لطيفى)
 قادار دهشت القا ايدر . قينكولا ديهه اول اوست ديشلرى چيقان چو جوغه دينير .
 بوچو جوق فلاكت چو جوغيدر . اكر بويويهك اولورسه ، اونك اجتنابى محال اولان
 عاقبتى ، بوتون عا ئله يى كندى محوينه يوروتمكدى ، ايسته بوندن دولايى مرحمتسزجه
 درحال او تولدورولور . هروقت ، بو ايشى اختيار قادينلر كورور .. وبو ، هيىچ شهبه سز
 بوكونده كيزليجه اجرا اولنور . »

« ... ديكر قبيله لرده مثلاً يناسا كولنك شر قنده ايكنز چو جوقلردن قينكولا كى
 قورقولور ، واونلر تولدورولور . »

بيكباشى دلهره ، بر چوق دفعه لر ، عيني واقعهلر بلچيقا قونغوسنك جوارنده اوتوران
 قبيله لرده مشاهده ايتدى وتصوير ايتديكى احوال يوقاريكيلرله توافق ايدر .

« يوقاريكى ديشلرى آشاغيكلرندن اول چيقان چو جوقلره قبيليا دينير . بونلر فلاكت
 چو جوقلريدى ؛ چوق كره ، كرك صويه آتمق صورتيله ، كرك كيجه جاناوارلره ويرمك
 صورتيله بونلر تولدورولور . بويله بر اولاد دنياه كتيرمش اولمقدن اوتانان بالذات والده
 بو وظيفه يى ايفا ايدر . بعضاً بو وظيفه يى باشقا بر مرحمتسز قاديننه تحمیل ايدر . بعض كره ده
 آنالقي شفقتى غلبه ايدر ، وچو جوق لحافظه اولنور . اوندن صوكرا بر كوله كى صاتيلير . »

کویہ کلن بوتون فلا کتارک سببی او چوجوقدر : اونک فنا بر نظری وارد . برقیلیبانک باباسیله هر آن اکلنیلیر . بر قیلیبا دنیا یه کتیرمش اولمقله تعیب اولنور . « بوکا غایت یاقین ، راهور و هور و لردہ » اکر ایلک چیقان دیشلر اوستده کیلر اولورسه ، آقشام آنا چوجوغنی نهرک کنارینه کوتورر واوراده براقیر . کیجه لین صو ایچمه یه کلن جاناوارلر چوجوغنی قاپارلر . اکر آنا چوجوغنی صاقلا یه جق اولورسه ، او یالکیز کویدن دکل بلکه بوتون مملکتدن قوغولور ، و آرتق مملکتده اونک تولیدی وقعہ سی اونوتولمدقجه یاشایه ماز . وایمبا لردہ اولدینگی کی بو مردود قیلیبا تسمیه اولنور . خرافه پرستلک کویہ کلن هر فلا کتی قیلیبا یه عطف ایدر . یرلیر دیرلر که قیلیبا بر دیشنی قایب ایتدکجه اونک یاقین اقربالرندن بری تولور . قیلیبانک باباسی کندی عائله سی اعضاسنک آجی آجی تعییلرینه معروض قالیر ، اقربا آراسنه بر قیلیبا ادخال ایتدیکنندن دولایی اونی تحقیر ایدرلر . « نهایت واره غا لردہ ، چوجوق قربان ایدلر ، فقط اوکا سفیل نظریله باقیلیر . » اوستده کی دیشلر اولاکوز و کدیمی ، یاسه دوشهن آناسی قوجاسنی خبردار ایدر . بابا واقعہ یی کورمک ایچین هر کسی دعوت ایدر . بوکوی ایچین بر فلا کتدر ؛ چوجوق دینو تسمیه اولنور . در حال بو مردود ایچین منفرد بر او انشا اولنور ؛ آرتق او دیکر لر یله برابر اوتوره ماز . بوتون حیاتی بویله کچه جکدر . اونک طعامی آریجه احضار ایدیلیر ، کیمسه اونک ایلہ بر لکده ییه مز . بویونجه ، اوده جمعیتہ قاریشیر ، فقط دائما اونکله اکلنیلیر وحقارت ایدیلیر . چوق کره بووضعیت اونک سجه سنه تاثیر ایدر ؛ طورغون وانساندن قاجیچی بر حال آلیر . اونکله برابر یاشامایه راضی اولان قادین ده عینی عاقبتہ معروض قالیر . دینو دیکیلیمک ایچین حاضر ایدلش اولان دانه لره طوقونه ماز ، یوقسه محصول محو اولور . بونک کی ، او هر کسک مناسبتده بولندینگی بر باغچه نک موزلرندن ییه مز ، یوقسه بوتون میوملر چورویه جکدر . خلاصه ، اونک نظری فنادر .

غیر طبیعی اولان چوجوغک فنا نظریله اسنادی معنیداردر . اوست دیشلری اولا چیقان چوجوق ، بونکله زه تانور کی ، اثرلری کندیسنی احاطه ایدن بوتون کیمسه لره تاثیر ایدہ جک مضر برعمده یی حائز اولدینگی اظهار ایتش اولور . بوندن کنندینی قورومق

ایچین ، او احما ایدیلیر ، یاخود ، بعض قبیله لرده اونی اوزاقلاشدیرمقله ویاخود تفرید ایدلمکله اکتفا اولنور. بویله غیرطبیعی اولان یاخود غیرطبیعیلکنه حکم اولنان چوجوقلرک معروض قالدقلری معامله، آوروپالیلرک نظرندده انسانیتک خارجنده پک چیرکین برخونخوارلق تلقی اولونور ، فقط ، یرلیر بونفرت حیاتندن هیچ برشی آکلامازلر . اونلرک نظرندده عمومک امنیتنه عائد بر تدبیر موضوع بحثدر . اگر شریر عمدده مضرت اراث ایده من برحاله قونمازسه ، سفالت ، خاستالق وئولوم کندینی کوستره جکدر . شو حالده هیچ تردد ایدلر . فقط طالعسر چوجوقلر ئولدورولمز ، ائک چوق عربلره ویریلیر . اجتماعی زمره نك آرتق اونکله هیچ بر تماسده بولنماسی کفایت ایدر .

اوله بیلیرکه اوله هیچ برشی بوشریر عمدده نك حضورینی هیچ برشخصده افشا ایتمز . اونک طوغومی ، اونک دیشینک چیقماسی ، الخ طبیعی بر حالده در ، یالکیز زمان کچدکدن صوکره اونک حقیقی ماهیتی ظهورایدر. موسیو یازیور، کبتوی لرده اویله آداملر بولنورکه ولادی اولارق قاریشیق واوغورسز صایلیر . مثلاً ، بو آداملردن بری انسانلری صرف بووقعه ایله اوکیمنسه اوکیمنسلره و او حیوانلره فنا برطالع دعوت ایتمش اولور: خاستالق وئولوم ظهور ایدر . کیتویلر دیرلرکه هیچ برشی یوق ایکن بر کیمنسه حقتنده سوء ظنده بولنمیه سبب یوقدر . فقط باشه چیقیلماز بر خاستالق ظهور ایدرسده اونلر درحال فنالق گندیسنه اسناد اولنان بر فردک اوزرینه هجوم ایدر ، متهم جلب اولنور ، واونک خاستا اولان انسان یاخود حیوان اوزرینه توکورمسی امر اولنور: اونک صالیه سنک بویو تأثیرینی ازاله ایده جکنه اینانیلیر . «

بو تصویره کوره موضوع بحث اولانک بر طبیعته مخالف ، برژمنتاتور، بر بویوجیدن هانکیسی اولدیغنی بيلمک چوق مشکلدر. بر طرفدن شریر عمدده ولادی کی تلقی اولنور : بو وصفه موسیو هوبله نك پک آچیق افاده سنه کوره کذلک دیگر « اوغورسز لرده » و غیر طبیعی « قاریشیق » چوجوقلرده تصادف اولنور . فقط دیگر طرفدن ذکر اولنان صوک حالده طبیعته مخالف اولان مشهود بر حالده دکدر ، هیچ برشی اونی میدان قویماز . او، عادتاً اوکیمنسه نك اطرافنه اصابت ایدن فلا کته قدار بر توخوم حالنده در ، اووقت کندنده فلا کتک سببی بولندیغنی ظنی وجوده کثیر : ایشته بالخاصه ژمنتاتوریلر بو صورتله مملوم اولور .

نهایت ، بو شخصلرده ، خاستانک ایی اوله جنی امیدله اونک اوزرینه توکورمسی طلب

ایدلایکی وقت ، بوتون اشاغی جمعیتلرده ، اکر وقت وارسه ، مصابی بر بویو تاثیرندن قورتارمق ایچین عمومیتله استعمال اولنان اصول تعقیب اولنور . بر بویو جی کشف ایدلایکی واعتراف ایتیه مجبور اولدیغی وقت ، او بویوله دیکی کیمسه نك یاننه کوتورولور ، ویایدیغی بویوی بوزمایه اجبار ایدیلیر . ایددی ، غیر طبیعی چوجوقله بویو جی ، کذلک تهاهواولان حیوان ایله بویو جی اراسنده انتقال غیر محسوس واقع اولور .

بونکله هم مونترا ، هم بویوجیلک اراسنده معشری تصورلرک بردن قبول ایتدیکی عینیتی اکلایمق ایچین ، بز بونلر حقنده ایدیندیکمز مفهومی اولادرین بر صورتده تعدیل ایتهمز لازم کلیر . بونقطه الده ایدلمش تلقی اولونه بیلیر ، واشکنجه یی اکلایمق خصوصنده بزم ایچین چوق مفید اوله جقدر .

مشابه واقعلر بانتولردن اولمیان غربی آفریقاده کی زنجیرلرده مشاهده اولنمشدر . مثلاً ، یوقاری نیررده « کیجه لین معتاد اولمیان بر زمانده اوتن بر خوروز عائله یه تولوم ادخال ایدر ، مکرکه در حال تولدورلمش اوله . » - بیکباشی له تونار دیورکه « طوغوم اثناسنده چوجوغک ایاقلرندن ظهور ایتمی واقع اولورسه - بوواقعہ میقیورر - اوقو (فنا یاخود مشئوم آیاقلر) نامیله یاد اولنور - بوکا ایکیزه مشابه نظریله باقیلیر ، وزواللی آنا ایکیز دوغورانلره ایدیلن عینی معاملیه معروض فالیر .

توغورده « اکر بر چوجوغک اوست دیشلری آلتده کیلرندن اول چیقارسه ، اوبر بوزودر ، یعنی بویولی اولمشدر ، اوچوجوق هر نوع اضطرابلی شیلری کوره جک ویاپه جقدر . ایشته بوندن دولایی بو نوعدن چوجوقلر صاتیلیر یاخود نهره آتیلیر . دنیایه کلیرکن دیشلری چیقمش اولان چوجوقلرده عینی معاملیه یاپیلیر . » بوراده بوچوجوقلرک بویوجیلره بکزه مسی قطعیدر . بونلر طبیعتیه مخالف اولمیری ، او آندن اعتباراً اونلرده متمکن اولان مستقبل شریرلکنی اظهار ایدر . واهومدی ده تصفیه کافی تلقی اولنور . « مماثل مراسم (ایکیزلر ایچین اجرا اولنان مراسم) آغوزلر ایچین ده یاپیلیر ، یعنی دوغارکن اول آیاقلری ظهور ایدن چوجوقلر ایچین یاپیلیر ، و کذلک ارنه نسو چوجوقلر ایچین کیبوزی کوکه باقارق باشی اولا ظهور ایدر . » آشانیتلرده آلتده بدنی بر عیب بولنان بر چوجوق مظنون عداولنور اکر چوجوق سالماً طوغارسه ، یعنی کوچوک پارماغنده فضله آت بولونمازسه ، که او آلتنجی پارماق عداولنور ، واوله چوجوق محکوم اولور . »

مادا غاسقارده « عینی آندہ ، ۱۹۰۷ کانون ثانی آیندہ ، خلق قولاقدن قولاغہ فیصیلادی کہ ، آنارا مادینیقی اورماننک جوارندہ یاریسی چوجوق یاریسی اوکوز اولان برعجایب شی طوغمشدر ، اونک ایچین هرتورلو فلا کتلی بکاملیدر ، وارتق جالیشمه یه واوغراشمه یه دکر .

«ینه کچن سنه جنوب بارالرمه پرشنبه کونی طوغان چوجوقلر دیری دیری کومولمشدر .»

بوتون بو واقعه لر بعضی طبیعتہ مخالف اوصاف عرض ایدن چوجوقلردن وازکچمک خصوصندہ یالکز آفریقاده دکل ، بوتون دنیاہ منتشر اولان عرفی تنویر ایدر . حتی بو عادت یوکسک برانکشافه مظهر اولمش جمعیتلرده واردر . عمومیتله بو جمعیتلرک، دیگرلری کبی ، صحیح وسالم وجودلر اولمیه جق اولان فردلری درحال قادر و خارجی یایمق ایستدکلی وکندی حسابلرینه مدینه یی مدافعه ایتمه یه مقتدر چوجوقلری ایدینه یه جکلی سویلنیر . بوايضاح تاریخی دورلرده لاسه ده مون حقنده ایدلمش واسپارطه لیلر طرفندن قبول ایدلمش اوله بیلیر . فقط ، شبهه سز ، بو عرفک دوغمنه سبب بو نوعدن اولان باعثلر دکلدر . بو صورتله کوچوک یاشده ایکن یاخود طوغارکن چوجوقلری قربان ایدلدیکنی کوردو کمزهر یرده ، بوکا سبب اونلرک تام یتیشکین اولملرینه مانع اوله جق مادی بر نقصانلرندن دولای دکلدر : بو ، چوق کره ، اجتماعی زمره ایچین تهلمکه تشکیل ایدمک اولان سری بر بر نقصاندن دولاییدر . طوغارکن اولایاقلری چیقدیغندن ، یاخود اوست دیشلری آلت دیشلرندن اول چیقدیغندن دولای بوغولان یاخود جاناوارلره آتیلان چوجوق باشقایرده تماماً صاغ وسالم اوله رق وجود بولمش تلقی اولونه بیلیر . او چوجوق اجتماعی زمره نک قوتلی ودینج بر عضوی اولمیه یی وعد ایدر بر حالده در ، فقط بو اونی درحال اعدامدن قورتاره ماز ، حالبوکه طبیعتہ مخالف اولمهدن خالی اولان ، دها خاستالقلی ، دیگر چوجوقلر محافظه اولنورلر . دوشه قالقه یاشامیه دوام ایدرلر . اکر ابتدائی بر جمعیتک یتیشکین آداملری اراسنده بدنآ نقصانی بولنان فردلر آزبولنور یاخود هیچ بولونمازسه (بو حال دائماً واقع اولماز) بوندن بونلرک اوکی نقائصدن ولادتلرندہ آزاده اولدیغی نتیجه سنی چیقارمق لازم کلز . چوجوق احساسی بوجمیتلرده بویوکدر . اولا بنیه سی اک آز سالم اولان وصحی تدبیرلره رعایت ایتمین وخاستالقلره مقاومتی اولیان چوجوقلر ازاله اولنق لازم کلیر . فقط بوجمیتلر طبیعتہ مخالف اولانلری قصدآ ، انجاق سری سبیلره کوره تهلمکه لی عد اولندقلری

ایچین برطرف ایدرلر . وا کر بز اسپارطه لیلر طرفندن اعدامه محکوم اولان چوجوقلرک
هانکی چوجوقلر اولدیغنی صحتله بیلیمش اولسه ییق ، احتمال یونان مدینه سنده ده عینی
عمده یه کوره تصفیه وقوعه کلدیکنی کورمش اوله جقدق .

انسانلر یاخود حیوانلر طرفندن ، مونسترالر وپورتانتالر طرفندن اظهار ایدیلن طبیعته
مخالف حاللر ، برطرفدن حادثه مخالف وفوق العاده وقعهره ، دیگر طرفدن فاللره بکزه تیلمک
لازم کلیر . بونلر فاللرکی یالکزه استقباله عائدوقعه نك ورودینی بیلدیرمز ؛ بووقعه لری ایجاب
وتعین ایدر یاخود داها دوغروسی ایقاع ایدر . اکر یاشایه جق اولورسه غیر طبیعی
چوجوغک ظهوریله داها صوکر سبب اوله جغنی فلاکتلر آراسنده بلا واسطه بر ارتباط
واردر . بو فلاکتلرک آز چوق اوزن بر زمان صوکر واقع اولملرینک اهمیتی یوقدر :
بز بیلورز که قبل المنطقی ذهنیه کوره ، آتی فلاکت ، غیر طبیعی چوجوغک ظهورینه ربط
ایتدیکی قبل الارتباطدن هم استقبال همده حال اوله رق حس اولنور . نته کیم سری بر تأثیر
واسطه سیله فال - قوشک اوتمه سندن یاخود اوچه سندن بکلن نعمتلری فال - قوش حصوله
کتیرر ، طبقی بونک کی غیر معتاد بر زمانده اوتن خوروز یاخود دیشلریله برابر طوغان
چوجوق کلمه نك تام معناسیله بر « فلاکت کتیریحی » در . اونک طبیعته مخالف حالی ،
اونده کیزلنش اولان شریر بر عمده یی اظهار ایتمشدر . اونک « عادتی اخلال » ی بو عمده نك
حضورینی افشا ایدر که او عمده کرک کندی اقرباسی وکرک بوتون اجتماعی زمره ایچین دائمی
برتهدیدر .

باقیجیلق عمللری

ابتدائیله کندی تجربه لرینک بلا واسطه اولان معطالری آراسنده علی الخصوص کورونمز عالمدن کلن ، واونلره او عالمک طولو اولدینی سری قدرت لک وضعیتلرینی اظهار ایدن معطالره مربوط اولورلر . اجتماعی زمره نك مسعودیتی ، زمره اعضاسندن هر برینک حیات و صحتی هر آن اونلرک اوزرینه مؤثر اولان ایی و فنا تأثیرلره تابعدر . بوسری قدرتلردن برینک مؤثر بر صورتده مخالفت ایتدیکنه امین اولدقجه هیچ بر تشبثی ایی بر صورتده باشاره بیله جکلرینی امید ایتزلر . اونلر طرفندن سری قدرت لک کندی لرندن یانه اولدق لری ، و کندی لرینک موفق اوله جکلرینی اولدن بیلیمک قطعی احتیاجی بوندن نشأت ایدر .

بوکا ناصیل امین اولنور ؟ شبهه سز ، کورونمز قدرت لک ظهوری علی الا کثر واقع اولور ، و ابتدائی هر طرفده اونى ایدنمهیه مستعددر . علی العاده بر چوق واقعله ، و تقریباً بوتون عاده مخالف واقعله ابتدائییه کوره بر کشف والهام قیمتی حائردر ، و همین تفسیری ده حاضردر . بونکله برابر رؤیالر ، فاللر ، عینی ماهیتده اولان دیگر اشارتلر ، اک چوق محتاج اولنان بر آنده بولنمه بیلرلر : مثلاً مهم بر قرار و یرمک یا خود مشکل بر انتخابی ایفا ایتمک لازم کدیکی وقت ؛ صقندیدن ناصیل قورتولملى ؟ - اصولی بر صورتده بختلری حساب ایتمک ، و شویله ویا بویله قرار و یریه جکنه کوره تأمل ایدرک استقبالی کشف ایتمهیه تشبث ایتمکی ؟ ابتدائی ذهنیت بونوعدن عملیه لرایله اصلاً ایشه باشلاماز . بوجهتی هیچ دوشونمز بیه . اکر بویله بر فکر اوکا کلسه بیه ، بوزحمته قاتلانماز ، اونى فایداسز تلقی ایدر . اونک نظرنده وقعه سری قدرتلره تابعدر . احوالده اونلرک وضعیتلرینه کوره قرارینی ویره جکدر . مساعد بولنیورلرمی ؟ ایشه باشلار . مخالفت ایدیورلرمی ؟ اجتناب ایتمک لازم کلیر . واکر ممکن اولورسه اونلری یوله کتیرمهیه یا خود اونلری قازانهیه تشبث ایدرک بکلنیلیر . ایمدی ، هر شیدن اول نه ایله اکتفا ایتدیکی بیلیمک لازم کلیر . اکر کشف والهاملر کندی لکندن حصوله کلمزه اونلری رجا ایتمک لازم کلیر .

چوق صیقیشیق بر منفعتک تضییق آلتنده ، ابتدائی ذهنیتی ماهر ، ولود اوله رق بولورزه .

ابتدائی ذہنیتہ پک اہمیتلی کوزوکن برشیئی کشف ایتک ایچین بالواسطہ یاخود بلاواسطہ موقع فعلہ قویدینی طریقلرک ہیئت مجموعہ سی ، کلمہ یی اک کنیش معنادہ آلمق شرطیلہ ، باقیجیلق نامی آلتندہ کوستریلہ بیلیر . بن اولا ، کورونمز عالمک قدرتلرینہ دوغروندن دوغرویہ وضع اولنان سوآللردن ، استجوابلردن عبارت اولان باقیجیلق Divination شکنی تتبع ایدہ جکم .

۱

رؤیا واسطہ سیلہ حانلی انسان ٹولولرلہ ، وعمومی برطرزدہ ، اک قولای واک سادہ برطرزدہ اولہرق سری قدرتلرلہ مناسبتدہ بولنور . اویقو اثناسندہ ، اونک حالتی ٹولولرک حالتہ چوق یاقلاشیر . جانلی انسانئی ٹولولردن اویانیق ایکن آیران خط فاصل موقتاً قالمشدر . اونلری کورور ، ایشیدیر . اونلرلہ قونوشور ، اونلرہ خطاب ایدر ، واونلرک سوزینی دیکلر . فقط رؤیا وقت وزمانندہ ، نەدہ محتاج اولدینی ہر دفعہ دە حصول بولماز . اوحالہ ابتدائی رؤیالری استجلاب ایتہیہ چالیشہ جقدر ، وموفق دە اولہ جقدر .

برجمیتدہ رؤیالرہ نہقادر چوق مربوطیت کو-تریلیرسہ باقیجیلق طریق دە اوقادار چوق مستعملدر . برجزویت پاپاسنک تعبیرینہ کورہ « رؤیالرینی معبود تلقی ایدن » یکی فرانسه یرلیرندہ باقیجیلق دائماً استعمال اولنور . اوروج ، آرزو اولنان رؤیانی آلدہ ایتک ایچین علی العادہ برواسطہدر . « بونلر بعض ایشک وقوعنی بیلیمک ایچین اونلرک (معبودلرینک) شرفنہ اوروج طوتارلر . « پاپاس دیورکە » بن آجیہرقدن کوردم کہ برحرہ یاخود برآوہ نیت ایتدکری وقت صرہ ایلہ سکیز کون کچر ہیچ برشی یمیزلر ، اوقادار بوخصوصدہ تعند ایدرلرکہ طلب ایتدکری شی حقندہ رؤیادہ برشی کورمدکجہ بوندن اصلا فارغ اولمازلر ، طلب ایتدکری شی دە ، یا برکیک سوروسی یاخود بر ابروقورا چتہ سی قاجمشدر ، ویا بوکا مشابہ برشیدر . بوایسہ بوش برقافا ایچین ہیچ دە کوچ برشی دکلدر ، واوروج دن دولایی بیتیک برحالہ کلہرک کوندوزین ارتق باشقا ہیچ برشی دوشونہ مز . »

یرلیر یالکیز موفق اولوب اولمہ جقلرینی بیلیمک ایچین می ، ضروری کوردکری رؤیا حصول بولنجیہ قادر اوروج طوتارلر ؟ رؤیا طرفندن کنیدیلرینہ امر ایدیلن ہرشی عینی برحرمت ایلہ ایفا ایتدکری یوقاریدہ کورولدی . دیگر طرفدن بیلپورزکہ ابتدائی ذہنیت نظرندہ ، فال یالکیز خبر ویرمکله قالماز ، بلکہ وقعہیہ ہم دە سبب اولور . رؤیادہ برفالدر .

ایمدی ھورونک حربہ یاخود آوہ حرکت ایتھدن اول بوقادار اصرار ایلہ رؤیای استجلاب ایتھہ اوغراشمسی ، وقوعہ کلہ جک شیء سادہ برکشفدن داھا باشقا برشیدر . رؤیا وعد ایتش ، موفقیتی وظفری تأمین ایتش اولور . اگر ھورون رؤیادہ برکیک یاخود قانادا کیکی سوروسنی کورہ مزسہ بونک سببی ، اوروجہ رغماً ، بو حیوانلرہ عائڈ اولان سری اصلک کندیسنہ قارشى دوشمان قالمسیدر . بناءعلیہ ، آوزحمتنہ نہ حاجت ؟ اونلرہ تصادف ایتھہ جکدر . اونلر کورونمہ جکدر ، یاخود کورونسہ لربیلہ اونلر کندیلرینی ووردورمہ جقدر . بالعکس ، اگر اویقودہ یرلی یہ کوزو کورلرسہ ، بورؤیا تأمین ایدرکہ حیوانلرک عائڈ اولدینی سری اصل سکونت بولمشدر ، وآو ای نتیجہ ویرہ جکدر . بورضادن قوت آلہرق آوہ حیقار .

ایمدی ، بویلر طرفندن بویلہ جہ ، استجلاب اولنش رؤیا صورتندہ تطبیق اولنان باقیجیلق ، ہم بیلیمک ایچین برتشبی ، ہمده آرزو اولنان موفقیتی تأمین ایتک ایچین بر جھدی احتوا ایدر . بوندہ بردعاده کورولہ بیلر ، چونکہ عینی یرلیر دوشونبورلرکہ میسیونہرلر دعا ایتدکری وقت کندیلری رؤیالری استجلاب ایتدکری وقت بالخاصہ تعقیب ایتدکری عینی غایہ بی تعقیب ایدیورلر . آتیدہ کی حکایہ بو نقطہ دن معنیداردر : « بن وظیفہ می اکمال ایتھ می بزم کوچوک ہیئتمز بکلرکن ، بکا رہبرلک ایدن وحشی ، قولوبہ کورولتوسندن آیرلمش بر محلدہ بوقادار اوزون عبادتدہ بولندیغمہ صبرسزلانہرق ، بکا یاقلاشدی وبنم برکشفدہ بولندیغمہ یاخود بروحیہ نائل اولدیغمہ اینانہرق ، کوندوزین بزمہ واقع اولہ جق شیء حقندہ شمیدین خبر ویرمہ می چوق جدی اولہرق بندن رجا ایتدی . بکا دیدی کہ « سن معبودہ خطاب ایدیورسک ، سن کونش یولنی تعلیم ایدیورسک ، سن روحانی رئیسک ، سنک جسم لطیفک وار ، ہرشیء یاراتانک سنک مسئولکی اسعاف ایدہ جکنہ اینانمق لازم کلیر : ایمدی ، شمیدی یہ قادار اضطرابنی چکدیکک سفالت ویورغونلقدن صوکرہ کندیکی دوزہ لیمک ایچین بوکون چوق کیمک وقاستور ٹولدوروب ٹولدورمہ جکمزى بکا سویلہ . »

« بن بونطقدن چوق متعجب اولدم ... (پاپاس حقک عنایتی اوزرینہ کوچوک بر موعظہ دہ بولنہرق جواب ویرر .)

« بووحشی ، اللہک روحانی رئیسلرلہ مأنوسیتلہ قونوشدیغمہ دائر اولان یکانہ دوشونجہ لریلہ مشبوع اولدیغندن ، بنم اوکا قاستورلری ویا آیلری ویاخود قانادا کیکلرینی

بولا بیلہ جکمز هیچ بر محلی بیلمدیکمی ، ونهایت تماماً جناب حقک عنایت ولطفنه انتظار ایتک لازم کلدیکنی سویلدیکم وقت کدرینی اظهار ایتدی . بونک اوزرینه او بکادیدی که « او حالده بنم روحانی رئیسردن داها فضله برموهبه وار ، چونکه جناب حق بکاویقوم اثناسنده خطاب ایتدی ، وبکا الهام ونشف ایتدی که بز اوکله اولنجه مطلقا قانادا کیکلری ووره جغز ... »

حتی چوجوقلرک بیلہ اوروج طوتملری ، آرزو اولنان رؤیایی الده ایتک امیدیلہ اولدیغی صورتیلہ ایضاح اولنور . « تجره قایناتمق زحمتدن قورتولمق ، یاخود اونلرک ارزاقندن تصرف ایتک ، ویاخود چوجوقلرینه ساده اقشام یمک یمیه آلیشديرمق ایچین ، چوجوقلرینه کوپکلر کی اوروج طوتدرلر ، اونلره دیرلر که مرسین بالیغی - پریسی ، آیی بی ، کیکی یاخود بونوعدن باشقا برینی رؤیاده کوره جکلردر که اونلره مرسین بالیغی طوتدوره حق یاخود آییلری ووردوره جقدر ؛ وا کر چوجوقلر آوه یاخود بالیق طوتمهیه کیده جک یاشده دکالرسه اونلر (قادینلر) چوجوقلری اوروج طوتمهیه برامازلر ، وا کر کندیلمی رؤیا کورورلرسه آوجیلر وبالیق طوتوجیلر موفق اولورلر دییه چوجوقلری قاندرلر . بوکوچوک چوجوقلر بر حیوان تولدورمهیه یاخود بر بالیق طوتمهیه صوک درجه حرصلیدرلر ؛ بوشوندن ایلری کلیور که ا کر بر رؤیا کورن بردفعه موفق اولورسه بونلر تماماً رؤیایه اعتماد ایدرلر . »

جزویت پاپاسی بوراده قطعیتله سویلیور که استجلا ب اولنان رؤیاده کورولمسی موضوع بحث اولان شی « مرسین بالیغی - پریسی ، آیی پریسی ، الخ » در ؛ یعنی بنم نوعک سری اصلی Essence mystique تسمیه ایتدیکم شیدر که آوده موفقیت ایچین اونک رضاسی لابدر . بزم آکلادیغمز معناده اوله رق ، یالکز باقیجیلق موضوع بحث دکدر ، بلسکه عینی زمانده براسترحام ، بردعا ، علی الخصوص دعا مفهومنه جزؤتم اوله رق کنديسنه خطاب اولنان قدرت اوزرینه نافذ اولان برتأثیر ادخال ایدیلیرسه موضوع بحث اولور .

اوینامه دن اول باقیجیلغک عینی طریقه مراجعت اولنور « اوینامه دن برچوق کونلر اول اوروج طوتدقلری اولور : بر کون اول ، هپسی بر قولوبه ده طوپلانیرلر ، وایونک نتیجه سی نه اوله جغنی بیلک ایچین برضیافت ترتیب ایدرلر .. صحنی طوتمق ایچین قازانه جغنی رؤیاسنده کورن کیمسه انتخاب اولنور ... » بویله جه ، رؤیاده آوی یاخود دوشمانی کوره بیلک ایچین اوروج طوتولور : بونوعدن بر رؤیا کورمک ، قازانمینی تأمین ایچین بر آفسونه

تصرف ایتھہ معادلدر . بونک کی « یوزلرینی سیاہہ بویامش اولان بر سورو دلیقانلیلر (بومحاربہ رنکیدر) آقشام اوستی بزم قولوبہ مزہ کیردیلر ، ومعبودک کندیلرینہ ظہور ایتھی ، واویقودہ اونلرہ خطاب ایتھی ودوشمانلرینی کندیلرینہ تسلیم ایتھہنی وعد ایتھی ایچین مکسیقادہ اویوماہ کلدکلرینی سویلہدیلر . » بودلیقانلیلر پاپاسلرک معبودندن، دمیندن مرسین بالیغی - پریسندن ، آیدن ، کیکدن، الخ طلب ایتدکلری شیئہ مشابہ برتوجہ اللہ ایتھہنی ایستیورلر . جزویت پاپاسی ، آرزو اولنان رؤیالری اللہ ایتھ ایچین بو اویقو کیجہسندن اول مراسم ایفا ایدیلوب ایدلمدیکنی سویلیور . فقط بوکی احوالہ عمومیتلہ تعقیب اولنان عامہ کورہ مراسم اجرا اولندیغی فرض اولنور .

یرلیلر ، رؤیائی استجلاب ایتھ ایچین ، پک چوق کرہ ، اوروجہ مراجعت ایدرلر . « اونلر (هورونلر) اوروجک نظرلرینی صولک درجہ نافذ قیلہ جغنی ، ومیداندہ اولیان، واک اوزاقده بولنان شیلری کورمک اقتدارینی کوزلرینہ ویرہ جکنہ اینانیرلر . » ہیچ برشی افادہ ایتھین رؤیالر واردر ، واونلرک اعتقادینہ کورہ ہیچ بر تہلککہ دوشولمز . اوروجدن صوکرا حصولہ کلن رؤیانک سری برقیمتی واردر . بالضرورہ صحیح ، تام معناسیلہ ، بر رؤیتدر . بو حالہ یرلی موجوداتی ، وکوروئمز عالمک اشیا سنی « کورور » . بوموجوداتی ایشیدیر ، واونلرلہ قونوشور . اوروچ اونی بورؤیتلری قبول ایتھہ قابلیتلی قیلمشدر . اوروجک تصفیہ ایدیجی بر خاصہ سی واردر : موسیو موس وهوبہ رتک تعبیرلرینہ کورہ اوروج زنیمن منطقہ دن مقدس منطقہ یہ کچیریر . حتی کوروئمز عالمک موجوداتی اوزرینہ بیلہ تاثیر ایدر .

مثلا ، یکی فرانسه یرلیلرینک ، دنیادہ اک زیادہ آرزو ایتدکلری شی ، استجلاب اولنش رویادہ اونک حامی پریسی ، فردی توتہ می نہ اولہ جق ، بونک خبرینی آلمقی موضوع بحث اولیورر؟ جزویتلر ایشتہ اونلر ناصیل « الوہیت ابداع ایدیورلر » دیورلر . « بر چوجوق اون یاخود اون ایکی یاشنہ کلدیمی ، باباسی اوکا درس اوقوتور ، وبعدا اونک معبودی کیم اولہ جغنی بولمق ایچین لزومی اولان معلوماتی ویرر . اولادماغی بوشالہرق اویقو اثناسندہ قولایجہ رؤیا کورہ بیلمک ایچین اوکا بر چوق کونلر اوروج طوتدورر . چونکہ آنجاق بو حالہ بوخیالی معبود اوکا منکشف اولہ جقدر ، اوصورتلہ کہ بتون زہ ناعتی وبوتون اونک ایشی بوندن بویلہ ارتق اونک معبودی موقعنہ کچہ جک اولان فوق العادہ برشیئی اویورکن کورمکدر . » رؤیانک اساسلی افعولہ سی سری بر قدرتک

کنج یرلینک فردی توتہ می اولہ یہ راضی اولدیغنی کوسترمکدر ، نته کیم مرسین بالیغی -
پریسی مرسین بالیقلرینک کندیلرینی طوتولہ یہ براقدقلرینی ایشتدیکنی کشف ایدہ جکدر .
ایمدی ، بومنحصراً باقیجیلغہ متعلق برعمل دکادر : بو عمل بوکاتقدم ایدن وصحتی و خاصہ یی
تأمین ایتہ یہ موکل اولان مناسکدن و مراسمدن آیریلہ مایہ جقدر .

هنوز بوکون بیلہ ، شمالی آمریکا یرلیرلرنده ، که بونلر کندی عنعنہ لرینی اولدقہ صاف
بر صورتده محافظہ ایتشلردر ، اون یدنچی عصر جزویت پاپاسلرینک نقل ایتدکلری واقعہ لرہ
مماثل واقعہ لر بولنور . ایشته هیراتا لردہ کورولمش برواقعہ . « برکون بش کویک بوتون
اهالیسی بیزون آوینہ کیتدکلری وقت بابام تقریباً اوتوز یاشنده ایدی . بو آودہ پنجه لرینی
بورادہ کوردو ککنز آیی یی کنجلر تولدوردولر . اووقت بنم بابام احتمال کندی « معبودینی »
بولمش اولدتغنی سویلدی . ایمدی ، اودیکرلرندن پنجه لرینی وقافاسنی اولدیغنی کبی براقہ رق
آیینک دریسنی یوزمہ لرینی طلب ایتدی . دیرکن البسلرینی چیقاردی . صوکرآ آیینک
بورتنی بیاغیلہ دہلدی ، دہلیکہ برایپ کچردی . نہایت یر کیمسہ دن اونک آرقہ اُتندن ایکی
یری دہلسنی رجا ایتدی ؟ اورادن بردکنک کچردی ، و بودکنک اوصورتلہ برایپ کچردی کہ
بابام آیینک باشنی ودریسنی چکہ بیلوردی . . . اقشامہ قادار آیری بر محلدہ بابام آیینک دریسنی
سوروکادہ دی . اقشام قرارکاهہ عدت ایتدی . آیینک دریسنی برمانعہ طاقیلمش کبی برشی
مقاومت کوستریوردی . عینی زمانده بنم بابام دیری آیینک چیقاردیغنی ، سس کبی برکورولتو
ایشتدی : Sh ، Sh ، Sh . آرقہ سنہ باقدی ، آیی یاشیور کبی دریسنی و پنجه لری اوزانمش
ایدی . ایمدی قرارکاهہ کلدی ، و دیکرلری اوندن آیینک دریسنی آلدیلر . . عینی کیچہ
او ، آیینک خاستہ لری تداوی ایتہ یی اوکا اوکرتدیکنی رؤیاسنده کوردی . خاستانی تداوی
ایچین آیینک اوکرتدیکی مقدس بر منظومہ یی انشاد ایتک ، و بر پارچہ بیزون دریسنی آلوب
اونی خاستانک بولندیغنی استقامتہ دوغرو طوتمق لازم کلیوردی ؟ بویلہ یا پنجه خاستا
ایلشہ جکدی . « یرلی هید اتسانک بالاختیار آرسلانک دریسنی سویلیہ رک تجزیہ ایتدیکی
جزالر اوروچ برینہ قائم اولور ؛ بونلرک سحری بر تأثیری واردر . - یہ نورالر صوک
بر مشاهدہ جی مشابہ واقعہ لری تصویر ایدیور . « بر یرلی کندی حیاتنک استقبالدہ ناصیل
کچہ جکنی ، یاخود قویونلرینہ مفید اولہ جق معلوماتی اکتساب ایتہ یی (آیینک هید اتسایہ
اوکرتدیکی کبی) آرزو ایتدیکی وقت ، او یالکنز باشنہ صحرایہ ، قایالیق طاغلقدن آزادہ
بر محله کیدر ، اوروچ طوتماز ، دما ایدر ، بعضاً بربر آرقہ سنہ برچوق کونلر بونی یاپار ،

نہایت ، بر رؤیا کورور یاخود بر رؤیت اللہ ایدرا کر اولایق ایسہ اونک اوروجنہ ویتک
حالہ شفقتی کوسترمک ایچین، فوق الطبیعہ بر حیوان یاخود بر موجود واسطہ سیلہ کونشدن
اوکا بر خبرجی کلیر۔ هر وقت بر کشف والہام ، وعینی زماندہ بر قدرت (سحری) امتیازی
اوکا اک مقتدر حیوانلر (بیزون، قاستور، قورد، یاخود سیاہ آبی)، یاخود شمشک مؤکلی،
روزکار مؤکلی ، الخ کبی شخصیلشدیرلمش طبیعی قوتلر واسطہ سیلہ بر رؤیادہ کلیر . . .
جزوئیت پاپاسلری ، یرلیرلر رؤیادہ منکشف اولان حیوانلرک اونلر طرفندن آودہ
تصادف اولنان حیوانلرک عینی تلقی ایدلمدکیرینی غایت اینی کوستردیلر . بو حیوانلر کورونمز
عالمہ عائددرلر ، وسری قوتلہ متصفدرلر . بو جہت پاپاسلرلہ طبابتی تمثیل ایدن کیمسہلر
(Hommes-medecine) آراسندہ وقوعہ کان مناقشہلردن استحضاج اولنور . پاپاس
مرمرہ نک التزام ایتدیکی فکر ، اوکوزہ کندیسینک بویوک مانیتو Manitau سی (اونک
حامی پریسی) کبی عبادت ایتدکدہ اولان بوشارلاتانلردن برینی اسکات والزام ایتک اولدی .
اونک عبادت ایتدیکی اوکوزک اصلاً علی العادہ بر اوکوز اولیوب ، بوتون اوکوزلرہ جان
ویرن ، واونلرک خاستالرینہ شفا ویرن یرک آلتندہ برمانیتو اوکوز اولدیغنی فرقندہ اولمقسزین
اعتراف ایتدیردکن صوکرآ ، اوکا دیکر حیوانلرکدہ ، مثلاً آرقداشلرینک عبادت ایتدیکی
آینکدہ اونک کبی یرک آلتندہ بولنان مانیتو آبی طرفندن جان ویرلمش اولوب اولدیغنی
صورار . - شارلاتان ، شبہہ سز ، دیہہ جواب ویرر . - میسیونہر تکرار دیرکہ ، اویلہ
اولنجہ ، انسانلرکدہ کندیلرینہ جان ویرن بر مانیتولری اولمق لازم کلیر . - شارلاتان
قطعاً بویلہ در ، دیر . »

دیکر برچوق جمعیتلردہدہ ، وحتی یرلرلہ مناسبتہ کیریشمک ایچین ، شمالی آمریقایلرک
رؤیالرینہ مماثل استجلاب ایدلمش رؤیالرہ مراجعت اولنور . مثلاً بورنہ ئودہ ایپانہ لردہ
موسیو ہوز و ماق دوغال طرفلرندن تصویر ایدیلن نیارونف Niarong بو قبیلدندر . « بر
چوقلری حرارتلہ آرزو ایتدکلی حالہ ، احتمال ایچلرندن یالکیز یوزدہ برینک حامی بر
پریسی واردر . بر حامی پرینک رؤیادہ کندیلرینہ ظہور ایتسی امیدیلہ بیکلر جہ کنج مہم
بر شخصیتک مزاری اوزرندہ ، یاخود وحشی وایسسز بر محلدہ اویوماہ کیدرلر ، وبرقاج
کون ہمہن ہمہن تماماً اوروج طوتارلر . »

بورنہ ئونک بویرلیرلر اک امین علاجلرک رؤیادہ منکشف اولدیغنہ اینانیرلر . ینہ موسیو
پہرہامک افہام ایتک ایتدیکی کبی ، نقل ایتک ایتدیکی رؤیت واسطہ سیلہ ، رؤیا شفا

ویرجی خاصی حازدر . « نامیوہ : کورونمز عالمک خیرلی جسم لطیفلرینہ تصادف ایتک امیدیلہ برداغک تپہسندہ اویومق دیمکدر . برایکی سنہ اول ، رہژانغدن بر دایاق بر خاستالغہ طوتولور ، شفا بولمق ایچین برچوق داغلری تجربہ ایدر ، نہایت لینغفایہ کلیر ، اورادہ جوارده دایاقلر اونی عینی اسمدہکی داغہچیقاررلر . اوقربانی تقدیم ایدر ، و اویومق ایچین اوکا غایت یاقین بریرده یاتار ، بر آنتو *Antu* (جسم لطیف) کورور ، وتماماً عافیت بولہرق عودت ایدر . »

نہایت یرلیرک رؤیالره فوق العادہ اہمیت ویردکری آووسترالیا قبیلہلرینک برچوغندہ استجلاب ایدلمش رؤیالری ہم باقیجیلق طریقہلریدر ، کورونمز عالمک قدرتلرندن معاونت طلبیدر ، ہم دہ رؤیادہ کورولمسی آرزو اولنان شیٹک وقوعہ کلہجکنہ برضماندر . آووسترالیا (شمالی کتہ سلاند) یرلیری نزدندہ یاشامش اولان الکایی مشاہدلردن بری اولان موسیو روت ک نقل ایتدیکی دہ بردر . دیورکہ « بلوئہ مفیلد ریوہر اوزرندہ یرلیر یکدیکرلرینہ کوردکری رؤیالری اکلاتیرلر ، ورؤیالری بالذات تعبیر ایدرلر یاخود دیکرلریلہ مناقشہ ایدرلر . ایشته بورادہ بریرلی کندی دوشمانک ٹولہجکنی رؤیاسندہ کورمہی آرزو ایدر ، و ممنون اولہجق برنتیجہیہ واصل اولاییلیر . توللی ریوہرک زنجیلری ... اویورکن فلان دوشمانک ٹولدیکنی رؤیاسندہ کورمہیہ قرار ویرر ، و او دوشمان ٹولہجکدر ؛ اکر اونلرک قادیئلری کندیلرندن چوجوق اولہجغنی رؤیالرندہ کورورلرسہ اونلر چوجوق دوغورلر ؛ اکر برجنایت ارتکاب ایدلمش اولورسہ دیگر برچوق محللردہ اولدینی کبی ، جانی بررؤیادہ کشف ایدیلبیلیر . » بو عمل یرلیرک نفسندہ ، رجا ایتدکری رؤیانک بالذات شائی اولان سری بر تأثیری حائر اولماسہیدی معقول اولمازدی . اویقو بونلری کورونمز عالمہ ادخال ایدر ، و آلدہ ایتدکری رؤیا بو عالمک قدرتلرینک اونلرہ قارشى مساعد بولندیغنی و مسئوللرینی اسعاف ایتدیکنی اظہار ایدر .

بویلہجہ اویقو اثناسندہ بزہ کورہ و موسیو روتک الک فارق برمشاہدہدہ مثاللر ایراد ایتدیکی اشتراک تأسس ایدر . « توللی ریوہر اوزرندہ برآدام (یاخود برقادین) .. ہر دفعہسندہ اویویاجغنی وقت ، یاخود صباحلین قالقدینی وقت آز چوق پس بر صدا ایلہ حیوان یاخود نبات الخ اسمنی تلفظ ایدرکہ ، او حیوان و نبات اوکا ٹانددر ، یاخود اشتراک ایتدیکی زمرہنک قسمنہ ٹانددر .. اکر بواسطہ مربوط بردعوت یاخود برصدا ، خصوصی برصوت وارسہ اونی وجودہ کتیرہبیلیر . بو عمل واسطہسیلہ تعقیب اولنان غایہ۔ بوشیلری

اوکریمہ سمنہ واصل اولدیغنه حکم ایدلدیکی زمان اختیارلر کنجلر بونلری اوکره نیرلر -
 آورده مهارت و سعادت مظهر اولق وهر تهلكه دن وقتيله خبردار اولقدر ، يوقسه اسمنی
 طاشیدینی بو حیوان یوزندن ، الخ کندیسمنه کله بیلیر . بر بالق اسمنی طاشیان بر کیمسه
 اونی منتظماً بویله دعوت ایدرسه ، آچلقه کچیره جکی برکونده برچوق بالق یاقلایه جقدر .
 اکر شمشکک ، باغمورک ، الخ اسمنی طاشیان بر فرد بونلره دعا ایتیهی اهل ایدرسه اونلری
 وجوده کتیرمک اقتدارینی قایب ایده جکدر . ییلانلر تمساحلر بویله منتظماً کندیلرینه دعا
 ایدلمش اولق شرطیله کندی آداشلرینه اونلره خبر ویرمکسزین اصلاً هجوم ایتیه جکلردر .
 اکر یرلی اهاجلی اولورسه ایصیرلینی وقت مسئولیتی انجاق کندینه تحمیل ایده جکدر ..
 اکر انسانلر کندی آداشلرندن غیری اولان حیواناته یاخود اشیایه دعا ایدرلرسه ، بونک
 نتیجه سی نهایی اولور ، نه ده فنا اولور . . . پروسه رپین ریوه اوزرنده یرلیرلر اویومادن اول
 کندیلرینک عائد اولدقلری زمره نك قسمنه مربوط اولان حیوانات ، نباتات ، یاخود
 اشیادن شونی ویا دیگرینی کندی اسملریله دعوت ایدرلر . . . بونک سینی صوردم . بکا
 جواباً دیدیلرکه بویله دعوت ایدلمش اولنجه بونلر یرلیرلری اویقولری اثناسنده دیگر حیوانلرک
 ورودندن خبردار ایدرلر .

ایمدی آنجاق بر دلالت و براولدن اخبار ایتک قیمتی محافظه ایتک صورتیله مرور
 زمانه سری علتلردن معدود اولان ایلک معنالرینی قایب ایدن فاللر کی استجلاب ایدلمش
 رؤیالرده واردر . کندیلکنندن اولسون و یاخود استجلاب ایدلمش اولسون رؤیالردن
 ساده جه کله جکی بیلدیرمه یی طلب ایتهدن اول ، اونلر واسطه سیله کورونمز عالمک
 قدرتلربنک حمایه سی تأمین اولونمی و باشلانیلان تشبثلرده موفقیت آرانیلیر . بوکون
 برچوق جمعیتلرده رؤیالره هنوز - فاللره اولدینی کی - اودقتک آلتنده ، بونلره بدایه
 اسناد ایدلمکده اولان چوق درین سری قیمتک آزچوق خفیفلنمش بر خاطرهمی الان یاشار .
 رؤیا همهن همهن هر طرفده اولا دائماً تعقیب اولنان بر رهبر ، لایخطی برمشاور ،
 ویکی فرانسه ده اولدینی کی چوق کره امرلری مناقشه قبول ایتین برآمردر . شو حالده
 مشکل زمانلرده بو مشاوری سویلتمه یه ، بو آمرله مشاوره ادوب اونک فکرلرینی رجا
 ایتیه تشبث ایتهدن داها طبیعی نه اولابیلیر ؟ ایشته میسیونره ماقدونالدک برحکایه سنده شو
 کوزهل مثال واردر . « رئیس اذن آلیر ، بز اونی اوغلنی مکتبه یوللامسی ایچون
 صیقیشدیررز و او بزه جواب ویرر : « رؤیا کوره جکم ، اوبزه ماغولو رئیس لرینک پک
 ادبیات فا کولته سی مجموعه سی - ۳

چوق کرہ رؤیالر طرفندن سوق ایدلیدیکی بیلدیرر . بز بوکا دائر بعضی مطالعہلر تعاطی ایتدک واولک یانندن ایریلہ جغمز زمان ، مساعد بررؤیایہ مظهر اولسی ایچین اوکا برہدیہ تقدیم ایتدک .

رئیسک سوزلرینی بر قصور تلقی ایدن میسیونہرک استہزا ایتدیکی اکلاشیلیر . احتمال رئیس کندی اوغلنی میسیونہر مکتبہ تودیع ایتہیہ آرزوسی اولدیغندن ورد جوابی آچیقجہ سویلیہ مدیکندن اونک حقندہ « رؤیا کورمہی » وعد ایتک صورتیلہ ایشک ایچندن صیرلمش اولیور . رئیسک زمان قازانق آرزوسنک فی الحقیقہ ویردیکی جوابدہ بر حصہ تشکیل ایدوب ایتدیکی بیلیمک مشکلدیر . فقط ہیچ اولمازسہ جوابک رئیسک روحی حالتی صمیمیتلہ افادہ ایتسی احتمالی دہ واردر . اگر رئیس میسیونہرک طلبہ موافقت ایدرسہ ، اگر اوغلنی اونلرہ ترک ایدرسہ اوہیچ اولیہ جق برتہلککۂ دوشہ جک ، عنعنہ ایلہ علاقہ سنی کسہ جک ، شبہہ سز اجدادی غضبہ کتیرہ جکدر : اونلرک حدتلرینک نہ کی نتیجہلر ایقاع ایدہ جککی کیم بیلیر ؟ ایدمی بویلہ جہ کندینی مہلکۂ عریض ایتزدن اول اونلرہ کوروشمک واونلرک فکرلرینی آلمق ایستہر : کندی اوغلنک بیاضلرک مکتبہ دوامنہ موافقتی ایدہ جکلر ، یوقسہ مخالفتمی ایدہ جکلردر ، بونی بیلیمک ایستہ جکدر . اونلرک حسیاتی کلامق ایچین رؤیادن داہا امین بر واسطہ وارمیدر ؟ بر اوروپالی « اونی دوشونہ جکم » دیہہ جک اولور ؛ مانغولو رئیس جواب ویرر : « اونک رؤیاسنی کورہ جکم » . بری قرارینک محتمل نتیجہلرینی تأمل ایدر . دیکری ٹولش اولقلہ برابر ، ہنوز اجتماعی زمرہیہ اشتراک ایتمکدہ اولان و زمرہنک مقرراتی کندی الندہ طوتان ، وہر نہ بہاسنہ اولورسہ اولسون اونلری ناخوشنود ایتہمک لازم کلن اجدادلہ رؤیادہ استخارہ ایدر .

۲

نیاز ایدلمش واستجلاب ایدلمش دہ اولسہ رؤیا وقوعہ کلیہ بیلیر . بو حالہ ابتدائی ذہنیت ، کورونمز عالمک قدرتیلرلہ مناسبتنی تأمین ایدہ جک دیکر طریقہلرہ مراجعت ایدہ بیلیر . بو طریقہلرک سادہ سی ممکن اولدینی وقت دائمادوغروندن دوغرویہ استجوابدر . بویاشایانلرک زمرہ سیلہ اشتراکلرک ہنوز تماماً منقطع اولمہ مش اولان ٹولولرلہ ، وبالخاصہ یکی ٹولولرلہ یاپیلیر . بویکی ٹولولر ، عمومیتلہ اوزاقلاشمش دکلردر . ٹولدوکی اودہ اولسون ، جوار مزدہ

اولسون، هنوز یاش اولان مزرانده اولسون جسمك حضورى بالذات متوفانك حضورينه معادلدر . ايمدى . اكر اوندن بعض شيئلىرى اوكرنمك لازم كليرسه، اوكا صوروله جقدر . شبهه سز او سويله مز . فقط او هنوز ايشيدير ، واونك جواني آلد ايتمك ايچين برچوق واسطه لر واردر .

استجواب ، بيلديكمز كي ، ثولوم هنوز تمام اولمهدن ، يعنى جسمك مسافرى اولان «روح» جسمى ترك ايتمش اولدينى ، حالبوكه حالت نزعده بولنانك تنفسى منقطع اولدينى ، قلبى ضربان ايتديكى فاصله اثناسنده وقوعه كله بيلير . ابتدائيلرك نظرند ، بوئولمكده اولان كيمسه ، معلوم اولدينى اوزره ، آرتق ئولمشدر و هنوز ياشامقده اولان بر طاقيم بدبختلرك دفن ايدملرى بوصورتله ايضاح اولنور . «بر خسته ئولمك اوزره بولنديمى بوتون عائله طوپلانيرلر ، اوده آتش ياقميه ماذنيت يوقدر ، چونكه تاباران (جسم لطيف) ك غضبته كلسندن قورقولور . يرليار خاستانك اونرى جسم (تاباران طرفدن تصرف ايدمش) اولديغنه اينانيرلر وهرنوعدن سؤاللر ايراد ايدرلر . جوابلر ئولمكده اولانك صداسى واسطه سييله كلشدر ، فقط اصل سويلين تاباراندر ، يوقسه خاستا دكلدر . اوكا صورولور : «سن كيمسك ؟ سنى كيم بويولهدى : چابوق جواب وير ، يوقسه ياقيله جقسك .» بو مشاهده قاريشيقدردر : بونكه برابر بوندن آكلاشيلور كه ئولمكده اولانك عائله سى (كه اونلره كوره آرتق ئولمشدر .) اوكا برطاقيم سؤاللر صورارلر كه ، جواني تاباران ويره جكدردر . ويقتوريا اياالتنده (آستراليا) اقربالرى ئولمكده اولانك آياقلىرينه باقارلر ، آياقلىرينك حركتى جنائتك وقوعه كلديكى استقامتى اونلره بيلديرر ، وانتقام آله جق اولان محله ايصال ايتمك ايچين اونلره رهبرلك ايدر . بونكه برابر او آنده حاضر بولنان اشخاص عموميتله ثولوم اثناسنده رعايت ايدلمسى لازم كلن مناسكى ايفايه حصر وقت ايدرلر . متوفايى حفظ ايميه هيچ جسارت ايدمكسز چوق كره قورقودن چوق شدتله متأثر اولورلر ، اونك حضورندن قورتولمش اولمقدن باشقا هيچ برشى تمنى ايتمزلر . شو حالده اونى استجواب ايتمكدن صاقينيرلر . او قادر وخيم اولان ايلك ساعتلر كچدكدن صوكر استجوابه باشلايه جقلردر .

ابتدائى جمعيتلرده ، كه اونلرده ثولوم اصلا ، ياخود همهن همهن اصلا «طبيعى» دكلدر ، متوفانك عائله سى ، متوفانك مصاب اولدينى بويو تاثيرندن مسئؤل اولان فاعلى بيلميه محتاجدرلر . بوفاعلى بالذات مصابدن باشقاسى داها اينى ييله مز ، هيچ كيمسه اونى داها امين بر صورتده كشف ايدم مز . اوكا سؤال صورمقله حيانده اولانلر عيى زمانده ايكي غايه يي آلد .

ایدرلر. هم اجتماعي زمرة ایچین قاتلک فعالیتی دائمی برتھلکه تشکیل ایدن سحر بازی میدانہ
 حیقارلر، هم ده اولنک انتقامنی آلمق خصوصنه اهتم ایتیمه یی اونو تمدقلرینی یکی ٹولویہ کورمش
 اولورلر. اھمال ایداش اولدیغنی براز حس ایدرایتمز کندی غضبنی اونلرہ حس ایتدیرمہ ده
 قصور ایتیمہ جک اولان یکی ٹولویہ قارشی ده بوصورتلہ مدافعہ اسبابنی حاضر لامش اولورلر.
 نارینه بری لر نزدندہ « بر انسان ٹولدکن صوکر ایلک کیجہ سی اونک اک یاقین
 اقرباسی، متوفانک ٹولومنه سبیت ورن سحر بازک کیم اولدیغنی رؤیاسندہ کورمش اولمق
 ایچین جسدک اوزرینہ باشنی قویہ رق اوپور... ایرتسی کون جسد یغاراتا تسمیہ اولنان
 بر نوع تابوتدہ اولہ رق بر چوق کیمسہ لک اوموزینہ وضع اولنور. او حالہ متوفانک
 دوستلری اونک اطرافنہ بر حلقہ چورلر و جسد اوزرینہ بر تاثیر حصولہ کتیروب
 کتیرمیہ جکنی کورمک ایچین مختلف اسملر تلفظ ایدرلر. نہایت اک یاقین اقرباسی
 رؤیاسندہ کوردوکی کیمسہ نک اسمنی ذکر ایدر: بو حالہ جسدک اوموزندہ اولدیغنی
 کیمسہ لہ اونلرک مقاومت ایدہ میہ جکلرینی ادعا ایتدکلری بر سوق تحریکدہ بولندیغنی
 سویلرلر، واونلر یاقین اقرباہہ دوغری ایلرلرلر. بوسائقہ، تلفظ اولنان اسمک، آرایلان
 اسم اولدیغنی اثبات ایتدیکنہ علامتدر.»

یکی برو تانیادہ ٹولوی عینی صورتلہ استجواب داھا دوغرودن دوغرویہ اولور.
 « وفاتی تعقیب ایدن کیجہ عادت شودر کہ: اونک اقربالری، اونک اوینک خار جندہ
 طوبلانیرلر؛ بر «دوقتور *Tena agagara*» یوکسک سسلہ ٹولونک جسم لطیفنی دعوت
 ایدر، واکا کندیسنی بویولہ یں کیمسہ نک اسمنی صورار. اگر جواب ظہور ایتزسہ
 تونا آغاغارا اوزرینہ شبہ ایدیلن بر کیمسہ نک اسمنی تلفظ ایدر، وھرکس قولاق کسیلیر.
 اگر هیچ بر جواب ظہور ایتزسہ دیگر بر اسم تلفظ ایدیلیر و بویلہ جہ دوام ایدر،
 تا کہ نہایت بر صدا - کویا بریسی دوشہ مہ ویا حصیر اوزرینہ بار ماغیلہ ووریورمش کبی -
 ایستر اودہ اولسون، کرک تونا آغاغارا براسمی ذکر ابتدکی آندہ الندہ طوتدوغنی قوقہ
 اوزرندہ اولسون کندینی ایشتدیرر: مجرمک بواولدیغنه قطعی دلیلدر.»

بالذات جسددہ جنازہ مراسمی حاضر لانتقدہ اولدیغنی اثنادہ ٹولومک فاعلنی بیلدیرہ بیلیر.
 « جسدک دلیکلرینی قاپامق ایچین اونلری دیکن کیمسہ نک اگر قوللانیدیغنی سیچیم صاغلام
 دکلسہ، تھلکہ بہ معروض قالیر، ایپ قوپدیمی، ایپک قوپمہ سی ٹولونک حدتنہ عطف
 اولنور، و بوصورتلہ ٹولوی بویولہ یں کیمسہ نک اواولدیغنی ٹولونک بیلدیردیکنہ اینانیلیر..»

اگر ایکسٹنٹ ٹولونک آتہ قولایجہ کیرمک ایچین لزومی قادار کسکین دکاسہ ، آتہ ادخال ایتک ایچین آبانان کورلشمش ایکسٹنٹ طرفندن سبیت ویریلن الکخفیف حرکت ، جسڈک کندیلکندن بر حرکتی اولہرق تفسیر اولنور وبونک ، دیکمکدہ اولان کیمسہنک مجرم اولدینی کوستردیکنہ اینانیلیر .

دیہریلیر نژدندہ « جسڈک مزارہ ایندیکی اثنادہ ایکی کشینک اوموزلرندہ طاشیدینی باشک دوشدیکی استقامتہ کورہ ٹولومہ سبیت ویرن کیمسہنک ، یاشادیقی محل حقندہ بر اشارت تلقی اولنور . »

رورورہی قبیلہسندہ « متوفائی ٹولدورہنی سویلیہجک اولانطیبہ بولونہمدینی زمان ، عادت بودرکہ ، مزار قازیلہرق دیی اہتماملہ سوپورولور وبویلہجہ تمیزلشمش اولان سطحندہ اوافق بر دلیک آرانیلیر . اورایہ اینجہ بر دکنک دیکیلہرک اونک اکیلہسہنہ کورہ مجرمی آرامق لازم کلن استقامت سہزیلیر . »

متقدم حالہ اولدینی کبی بو حالہدہ آلدہ ایدیلن اشارتک یاشایانلرک سؤالہ ٹولونک جوابی اولدینی بدیہدر . اونلر بر کاشف علامت آرایورلر : بوعلامت حصول بولدیمی ، سویلین ٹولو اولمش اولور .

دانسون طرفندن مشاہدہ اولنان یرلیلردہدہ بویلہدر . « مجرم قبیلہ باشقا بر یردہ بولونہمادیمی ، جسد بر آغاجک اوزرینہ قونولہرق جسمدن دوشن ایلک قوردک طوتہجی یول کوزہدملک ، جسڈک آلتندہ اہتماملہ سوپورولمش اولان طوپراق اوزرندہ سورونہیہ باشلادیقی کوزہدملک صورتیلہ مسئلہ حل اولور . جسم دفن اولندیقی وقت مزارک سطحی تماماً برلشمش اولہجق بر طرزدہ سوپورولور : اوحالہ اونک اوستندن کچہجک ایلک قارنجہ ٹولومہ سبیت ویرن قبیلہنک بولندیقی استقامتی کوستر . » بو قارنجہ بالذات یکی ٹولونک روحیمیدر ، یوقسہ سادہجہ اونک طرفندن کوندرلشمیدر؟ ابتدایلرک معشری تصورلرینی افادہ ایتک ایچین « روح » کلہسی قولانیلیدیقی وقت ، ایچنہ دوشولن ناقابل ازالہ صقندیدن دولای بونی سویلک چوق مشکل اولہجقدر . کذلک بزى بورادہ اشغال ایدن موضوع ایچندہ بوفرزیہلرک آراسندن برینی انتخاب ایتک ضروری دکلدر . یرلیلرک نفسندہ قارنجہنک ، قوردک ایفا ایتدیکی عینی رولی ایفا ایتسی کافیدر . قورد ، شہہسز دوشدوکی جسمہ صیقی برصورتدہ اشتراک ایدر . اونک طوتدینی استقامت ، یاشایانلرک یکی ٹولویہ صوردقلری سؤالہ جوابدر .

بعضاً بوجواب آیلرجه بکنیر. « جسم اوزون زمانلر دوراقدن دوراغه نقل اولنورکه، بو آیلرجه دوام ایدیلیر، تاکه ئولو یا قارده شنه، یا عمجه سینه. . الخ کندیسنی « محکوم ایدینی » وئولدورنی بیلدیرر. اکر سکوتنده اصرار ایدرسه مجرمی بالذات اقربالری کشف ایدجکدر. بونک ایچین اقربالری جسده آصیلمش قیللردن یاپیلمش بر سیجیم استعمال ایدرلر. بو سیجیمی صاردقلری عینی زمانده واولوقلرینک اوزونلغنه دوغرو چکرلرکن یوکسک سسله شهبه اندکری کیمسه لک اسملرینی صایارلر: ایپک قوپدینی آنده تلفظ اولنان اسم مجرمک آیدر. « بو صورتله استعمال اولنان طریق، متوفایه اوله حق استجوابه معادلدر. معلومدرکه ابتدائی ذهنیت کوره صالیا، طیرناق اوجلری، غائطه، طعام بقیه سی، الخ کبی صاحلر و قیللرده شیخصک جزؤ متممی تشکیل ایدر. ایمدی ئولونک قیللردن یاپیلمش سیجیم، تماماً اونک جسدندن چیقان قوزدکی اوکا « اشتراک ایدر ». - قومشو بر قبیلده متوفانک کیمکلرینه، موروتون بهیده وداها اوته کی مملکتلرده ئولونک دریسنه مجرمک کشفی سؤالی ایراد اولنور. بهدفورده بر آز فرقلی بر صورتده آلد ایدیلیر. جنازه مراسمی ایفا اولندیغی ائنده « ئولونک قارده شی جسدی بر نوع تیکنیه صیقی بر صورتده باغلار، اونی باشنک اوزرینه قور و آیاغه قالقار. صوکر ا مقتدر اولدیغی قادر صیقی بر صورتده قوشمایه باشلار، ئولونک جسم لطیفی طرفندن تحریک ایدلشدر، ومصابک « محکوم اولدیغی « محله تیکنه یره دوشر. »

غربی آووسترالیا قبیلهلری یوقاریکی قبیلهلردن داها آز تدقیق ایدلشدر: بونکله برابر ذکر ایدلش اولان واقعه لره مشابه واقعه لر مشاهد ایدلشدر: مثلاً و اچاندیلرده « مزاردن بر آز مسافه ده بولنان طوپراق چالیلقلردن، طاشلردن و اوتلردن، الخ تمیزلنش و اهتمامه سوپورولشدر، بوضورتله سطح تماماً تنظیم ایدلش و برلشدیرلش اولور. صوکر ا اورادن بر کیمسه نک کچوب کچمدیکنی کورمک ایچین هر صباح اورایه کیدیلوب باقیلیر. زمانله بر حیوانک ایزلرینی کشف ایدیله جکنه امین اولنور (حتی حمام بوجکی کبی بر کوچوک حشره نک ایزلری بوحالده کافی تلقی اولنور)، و بوایزلر واسطه سیله آلد ایدیلن استقامت سحر بازک منسوب اولدیغی قبیله نک مکانه اشارت ایدر. »

پسقیوس سالوادویه کوره « متوفانک تجاوزه اوغرا دیغی هیچ برعائله ویا هیچ بر فرد کشف ایدیله مزسه، اوحالده بونلر یردن بر آووچ توز آلیرلر و اونی هوایه آتارلر، یا خود دومان استقامتنه باقارلر، و روز کارک برینی و اوته کنی ایتدیکی استقامته کوره ئولونک

انتقامی آلمق ایچین اونلرک اقباسنه ویا دوستنه کیدرلر . . بونک کبی مزاری قازارکن
اگر برپارچه طوپراق اطرافدن برطرفه دوشرسه اوطرف بوغلیا *Boglia* (بویو) نک
کلدیکی طرفدر . »

بوصوک مشاهده احتمال ناقصدر. شبهه سزیرلیر آرادقیری اشارتی بیلدیره ن هرهانکی
برتوز ویا هرهانکی بردومان دکدر. بودومان، بوتوز برصورتله ٹولونک شخصنه «اشترک»
ایدر، وبونلر واسطه سیله صورولان سواله جواب ویرن ٹلودر .
برانسانک ٹولومنک انتقامی آلمق مبرم بروظیفه تلقی اولنان آشانی جمعیتلرک اکثریسنده،
آووسترایلاده اولدینی کبی، مجرمی کشف ایتک ایچین متوفانک عائله سنک ٹولویه مراجعت
ایتدیکی واوندن جواب آلمق ایچین مماثل ویا مشابه طریقلری استعمال ایتدیکی کورولور،
بو خصوصده برچوق واقعلر ذکر اولونه بیلیر : بن بر قسمی اووسترایلیاه جوار اولان
جمعیتلرده، دیگر بر قسمی آفریقا جمعیتلرنده طوپلانیش اولان بر ایکی مثالی نقل
ایده جکم .

یکی مکلمبوغده « بر کیمسه ٹولدیکی وقت اونک بر بویو تاثیرینه مصاب اولدیغنه دائر
شبهه حاصل اولورسه یرلیر قاتلی کندیلرینه بیلدیرمک ایچین ٹولونک جسم لطیفی دعوت
ایدرلر . » استعمال اولنان اصولردن بریسی شودر . « حاصیرلرک آراغندن بوش اولان
ٹولونک اوینه بر بامبو صاپنک اوجی ادخال اولنورکه او اوجه بر طوموز کیمکی ربط اولنشدردر.
بو خدمت ایچین دعوت ایدلمش اولان انسان کروهی کندی اللری اوزرینه قونمش اولان
بو بامبو صاپنی صیقمه سزین طوتارلر . بو حالده بوتون برلیرلرک اسملری بربری آرقه سنه
سویلنیر . قاتلک اسمی تلفظ اولندیغنی مدتجه بامبو صاپنی هر دفعه سنده ایلرلیر و تکرار
کری کلیر. مجرمک اسمی تسمیه اولندیغنی وقت صاپ اؤک داخلنه دوغرو منجذب اولور
وقیمیلدانه سی اوقادار شدتلی اولورکه انسانلر اونلری اللرنده طوتمیه مقتدر اوله مازلر . »
مبوی قاپان ٹولونک جسم لطیفدر، وبویله جه آرزو اولنان اشارتی ویرمش اولور .

آلمانیاه طادیکی کینه نک یرلیرلری ده کندی ٹولولرینک مجرمدن انتقامی آلمق صورتیه
اونی ممنون ایتیه چوق مشغول اولورلر. « مجرمی کشف ایتک ایچین بالذات ٹولونک جسم
لطیفی اقبالرینک معاونتنه کلیر . بو خصوصده برچوق مختلف طریقلر واردر . برنجیمی
ٹولونک جسم لطیفی سحر بازک اسمنی دوستلرینه بیلدیرتمک ایچون برحیله استعمال ایتمکدن
عبارتدر . . . یاخود جسم لطیف کندی اقباسنه سحر بازک کوینه ایصال ایدن یولی

کوستر . . . ویاخود مزارک اوزرینہ دیکیلن بر دکنک بر دونبہ لک آصیلیر؛ کیجہ لین ٹولو سحر بازک کوینہ تابوری چالارق کیدر و بویله جہ اونک اقامتگاھنی کشف ایدر .

غربی آفریقہ دہ بعضاً ٹولودوغریدن دوغری یہ استجواب اولنور . مثلاً کینہ طرفلرندہ «برقاج آدم راہبک حضورندہ ٹولوی کندی اوموزلرینہ قورلر، و اوحالہ صورارلر . «سن فلان یاخود فلان قضادن ٹولدک دکلے؟» اگر وقعہ بویله اولدیسہ، بیلیم ہانکی کیزلی خاصہ نک تاثیریلہ انسانلر جسدلہ برلکدہ سؤال صوران کیمسہ یہ دوغرو باشلرینی اگمہ یہ مجبور اولورلر، و بو اوت دیمک اولوز؛ یوقسہ اونلر حرکتسز قالیرلر . «توغودہ جسدک اُلنہ بر دکنک ربط اولنور، و راہب و راہبہلر شہرک بوتون سوقاقلرندہ ٹولوی ایکی دفعہ کزدرلر . ٹولومہ سببیت ویرمکلہ ادعا اولنان کیمسہ یہ جسداشارت ایدر، و او کیمسہ زہیر اشکنجہ سنہ معروض اولہ جقدر .

توغونک دیکر قبیلہلری بر آز فرقلی بر اصول استعمال ایدرلر . «بونلر «اک امین» واسطہ یہ مراجعت ایدرلر، بالذات ٹولویہ خطاب ایدرلر . بو مقصدلہ وفاتدن آز زمانہ صوکر ٹولوایلہ عینی توتہ مہ عائد اولان اقربالرندن بش آلتیسی طوپلانیرلر . سؤال صورانلر اوزونلخی ایلہ تقریباً یکرمی مترہ اولان بر دکنک آلیرلر، و دکنکلہ آلا رغہ اوتورلر . بونلردن بری یرہ دیزچوکر، و دکنک اونک باشنک اوزرینہ وضع اولنور . بر اوجی ایلریدہ دیکر اوجی کریدہ قالیر . صوکر اوتکرار قالقار . بو آندن اعتباراً آرتق او کیمسہ علی العادہ بر آدم دکلدیر؛ اونک ٹولوانسانہ تحول ایتدیکی سویلنیر . اوحالہ سؤال صورانلرک آراسندہ بر اختیار بو «ٹولو» یہ سؤاللر صورار بریکی باشنی و وجودینک یوقاری قسمنی اکرک اوت دیہ جواب ویرر، و باشنی آرقہ یہ اکرک خایر دیہ جواب ویرر . بناء علیہ اوکا اوزاقلاش دینلیر .» نہایت سیارالتونہ دہ «بر آدم ٹولدوکی وقت . . . جسمی دفن ایدلمہ دن و کوتورلمہ دن اول معتاد جسم بر مردیوہن کی حاضر لانمش تحتہ پارچہ لرندن یاپیلہش بر نوع تابوتہ وضع اولنور، دوز ایکی تحتہ پارچہ سہندن کہ، اونک اوزرینہ باش و آیاقلر وضع اولنور . بو تابوت ایکی انسانک باشی اوزرینہ وضع اولنور، و براوچنجی کیمسہ قاتوب تسمیہ اولنان برنوع قامیش اندہ طوتارق جسدک او کندہ آیاقدہ طورور، و متوقایہ ٹولومہ سببیت ویرن شینک نہ اولدیغنی صورمق وظیفہ سنی ایفا ایدر . اولہ جسدہ دوغرو بر ایکی آدم آتار، اونک اوزرتدہ قامیشی تحریک ایدر، و در حال کری چکیلیر، صوکر

ایتدیکی وقت جواب اوت در. اونلری طور دقلری یرده برنوع چویرمه حرکتی یاپدیردیگی
وقت جواب خایردر. « بویلهجه ئولو منتظم استجوابه معروض قالیر .

۳

اشاغی جمعیتلرک برچوغی ئولولره تماسدن قورقارلر. ئولولر تهلیکلی وعادتا ساری تللی
اولنور : بونلرک کتدکلری یره اجتماعی زمره نك دیگر اعضاسنی ده سور وکله ملرندن
قورقولور. مکلف اولدقلری وظیفه لری تمامیه ایفا ایدرک وحتى صمیمی بر صورتده آغلایه رق
اونلری اوزاقلاشدیرمق آرزو اولنور ، یعنی هیچ اولمازسه ئولومی تعقیب ایدن ایلک
زمانلرده ئولولره دیریلر آراسنده باقی اولان اشترا کلرک ممکن اولدیگی قادار چابوق وتماماً
قطعی آرزو اولنور. جنازه په عائد مناسکک ایفاسی جسدک سالم بر صورتده انحلالی تامین
ایدر. بوانحلال نهایت بولدومی چوق کره موجودیتی، یاخود هیچ اولمازسه نفوذی مشاهده
اولنان ایکنجی جنازه مراسمی واسطه سیله ئولو ، دیریلر زمره سیله آرتق قطعاً آییرلمش
اولور . روبره یچ بوتون بو نوع وقعه لری ایضاح و تحلیل ایتشدیر .

بالعکس، دیگر ابتدائیلر حتی یکی ده اولسه، کندی ئولولریله دائمی مناسبت محافظه ایدرلر.
شبهه سز بونلر نزدنده پک چوق تصویر ایدلمش اولات مترکب حسیلرک ومعشری تصورلرک
بویوک بر قسمی بولنور . فقط بونلر کندی ئولولرینه محتاج اولدقلرینه اینانیرلر ، و اونلرک
خیر خواهلقلرینی تأمین ایده بیلمه یی دوشونورلر ، زیرا ئولولرده بر طرفدن دیریلدن واز
کچه مزلر . بویلهجه دیریلر ئولولر آراسنده بونلرک یکی حالنده فقط هنوز اجتماعی زمره نك
اعضاسی اوله رق ایی معامله لر مبادله یی *Do ut des* عمده سی اوزرینه مؤسس اوله رق مشروع
بر صورتده تأسس ایدر .

ایمدی بوجمیتلرده دیریلر باقیجیلگی ئولولر واسطه سیله تطبیق ایدرلر . فقط باقیجیلق
ئولولردن یالکز باشقا تورلوبیلنه میه جک اولان شیئی اوکرنمکله قالماز؛ عینی زمانده اونلردن
بر نصیحت ، بر یول ، بر خدمت ، بر یار دیم ده طلب اولنه جقدر . رؤیاده اونمکله مشاوره
ایتمه یه تشبث اولنه جقدر : رؤیا اولدیگی تقدیرده دیگر طریقلر استعمال اولونه جقدر .
موسیو یرهام دیرکه : « بوکون بن بر اختیارک ئولومنده حاضر بولندم ، بر قادین اودایه
کیردی و اختیاردن باقیردن بر یوزوکی قبول ایتسنی طلب ایتدی، حالبوکه اختیار کندنده
دکلدی . قادین یوزوکی تقدیم ایدرکن هایقیریوردی : « ایشته ! بویوک بابا ، بو یوزوکی

آل ، اوتہ کی دنیا دہ بنم چوق فقیر اولدیغمی خاطر لا : پنج ایچین بکا بر آفسون یوللاکه ،
بن اک ای محصول آلدہ ایدیم .. »

— بنم بیلدیکم بردایاق والدہ سنک مزارى اوستنه آزبولنان برمودہلدہ برنوع کوزہل
آبدہ دیکمشدی . آز زمان صوکرآ خاستالاندی ، بعضیلری بومقدس چالیشمہدن ایلری
کلدیکنی سویلدیلر ، اوکندیسنہ یاردیم ایدہ جکنہ قناعت ایتمش اولہرق آنہ سنک مزارى
اوستندہ اویوماہ کیتدی . فقط (والدہ سی طرفندن ملہم اولہرق) نہ رؤیت ، نہ سس ،
نہ علاج هیچ برشی کمدی : اونک انتظارى تماماً بوش چیقدی . اوبکا دیدی کہ : « بن
آنہمہ کوزہل براستراحت یری حاضر لادم ، وشیمدی بن خاستایم ، واوندن معاونت طلب
ایتدم ، اوبکا هیچ اہمیت ویرمیور . او چوق نانکورمش . » ٹولولرلہ دیریلر آراسندہ
بویا معاملہلر مبادلہ سی دیریلر طرفندن ٹولولرک متروکاتی حرمتلہ محافظہ ایدلدیکی زماندہ
تظاہر ایدر . ہر بایرام واقع اولدیغی وقت بووسیلہ ایلہ ٹولولرہ ارزاق یاخود دیگر تقدیمہلر
کوٹورولور ، ودعوتدہ بو محترم ٹولولرک کندى احفادینہ فعال ، کریم اولملرینہ انتظار اولنور .
اوقادار منتشر اولان یکی ٹولولرک میکارینی ، وعلی الخصوص قافا طاسنی ، یاخود آلت
چککسنى صاقلامق و ہر طرفہ برلکدہ کوتورمک عادتک ہریردہ منشأی بردکلر . بعض
احوالدہ بولردن نصیحت و معاونت طلب ایدہ بیلیمک ایچین اجتماعى زمردنک قایب اولان
بو اعضالرینک حقیقی حضورینی حس ایتک احتیاجنی تطمین ایدر . مثلاً تورہس بوغازینک
غرب طرفندہ کی آدالردہ « یرلیر برصیقندى یہ اوغرادقلری زمان ایچنہ یکی رسم قویدقلری
قوقولی یپراقترلہ اورتدکلری بر اقربانک قافا طاسنی آلیرلر ، صوکرآ اوکا خطاب ایدرلر
واوندن نصیحت ایستلر . اویورکن باشلرینہ یاقین بریرہ حاصیرک اوزرینہ قافا طاسنی
قورلر ، وا کر بررؤیا کورورلرسہ اونلرک ٹولواقرباسنک جسم لطیفی کلوب اونلرلہ قونوشدیغی
ویاپیلہ جق شیئ اونک نصیحت ایتدیکنی دوشونورلر . اعتقاد بویلہ اولدیغندن دولایی
بونلرک ٹولمش اقربالرینک قافاسنی صاقلامہ یی سودکلرینہ هیچ حیرت ایدلمز . »

فلنمک یکی کینہ سنک بعضی یرلیر بویلہ جہ ترین ایتدکلری ونقش ایتدکلری وفوروار
Korwars تسمیہ ایتدکلری قافالری صاقلارلر . ٹولونک جسم لطیفنک اوقافادہ اقامت ایتدیکی
دوشونولور ، و « برپاواہمیتلی برزماندہ قورواردہ بولنان ٹولونک روحیلہ مشاورہ ایتہ یی اصلا اہمال
ایتمز . اونک اوتورر ، اوکا تصورینی آچار ، واونک یاردیمنی دیلر . اکر بواٹنادہ خصوصى براشارت
واقع اولورا کر مثلاً قوروار خارجی برسبیک تاثیریلہ بر حرکت یاپارسہ پاپو بونی کندینہ مثبت

بر جواب تلقی ایدر و مستریحانه تصویرینی موقع اجرایه قویار. بو حالده قوروارله حتی الكاهمیتسز ایشلرده بیله مشاوره ایدلکده اولدیغی آ کلاشیلیر. مثلاً بر پاپونک بر کون الی شیشر، نره دن اولدیغی آ کلایه ماز: قوروار ی استجواب ایتمکدن داهاطیبی نه اوله بیلیر؟ قوروار اوکا غیر مساعد بر اشارت ایله جواب ویرر کوزوکور، که بو جواب نولونک روحنک خوشنودسزلغی آچیقجه کوستر، حالبوکه یرلی نیچین بویله غضبه اوغرا دیغی ا کلا یاماز. بونک اوزرینه ایشی وجداناً محاکمه ایدر. . و بردنبره کند ی قارده شنک دول زوجہ سنی ترک ایتش اولدیغی خاطرلار: در حال بو خطایی تعمیر ایتیه قوشار. قوروار ایله یکیدن استخاره ایدر. بوسفر پاپو مساعد بر اشارت آلدہ ایدر، و آرتق نولونک روحنک کندیسندن برشی ایستمدیکنه تماماً مطمئن اولمش اولور. «

بو استخاره لردن باقیجیلغه کچیش قولایدر. جدک قافاسی، سويلک دوغرو اولورسه، شخصاً استجواب ایدلش دکلدر، بلکه بزم باقیجیلق دیدیکمز شیئه مخصوص اولان بر آلتی وجوده کتیره ن، کند ی سری اقتدارینی محافظه ایدر. قافا بو صورتله استعمال اولنه بیلیمک ایچین بعضی شرط لازمدر. «آرزو اولونان شکلده تریین ایدلش و مطلوب اولدینی وجهله استعمال اولمش اولان بر قافا، چوق مؤثر بر باقیجیلق زوغو Zogo سنه صیورت ایدر، و علی الخصوص بر خیرسزک، صاقلانمش بر شیئک، یاخود کند ی بویوسنک تأثیریلہ بر دیگرینه خاستالق آشیلا یان بر کیمسه نک کشفنه یارار. فقط استخاره لر انجاق بزامب لر، یاخود کوپک بالیغی سیمه سی اعضاسی واسطه لر یله اولایلیر که بونلر همده مالو Malu طریقتی اعضاسندندر. بو آوه اشتراک ایدن هرکس آقشام ایرکندن زوغونک آوینه کلیر، وزوغونک آداملرندن بری مطلوب اولان ماسک کی آلیر، و معین مأثورملری انشاد ایدرک اون ی طاقار. اودن چیققدن صو کرا بو آدام اوکینده قافای کتورر، و هرکس کیتوتو نسیمه اولنان بر نوع چکیر که نک سسینی ایشیدنجه قدار خصوصی بر یورویشله یورورلر: سسی ایشیدنجه همان سسک کلدیکی استقامته دوغرو عجله کیدرلر. بومعین کیتوتو درکه، انسانلری مجرمک آوینه کتورمک ایچین رهبرک ایتدیکنه اینانیلیر. اگر بونلر دوغرو یولی قایب ایدرلرسه بو کیتوتو اونلری بکلر، و اونلر یولی بر لینجیه قدار اونلری چاغیرمقدن یورولماز. ائصوک اونلری بر آوه ایصال ایدر که، هیچ شبهه سز، مجرمک اویدر. «

عملیه ده موفقیت، کورولدیکی کبی، قافانک استعمال ایدلمسنه تابعدر، و بو استعمال معین بر طریقته اعضاسی اولان، معین بر سیمه نک انسانلرینه مخصوصدر. قافا، ایلک

كىمىسەنك قوللانەبىلەجكى بر آلت دكلدر . ديكر طرفدن ، قدرتلى بر ئولومك اوقافادە
حضورى احتمال ارتق واضح بر تصورك موضوعى دكلدر . فقط او تصور هنوز جانلى
بر صورتدە حس ايدىلىر .

چوق كره رؤيا واسطەسىلە ئولولرلە استخاره اولنان داها ايلرلىش اولان جمعيتلردە
بواستخاره ديكر شكلر آليركه بر تشبىه علاقه دار اولمى آرزو اولنان ئولويه دوغروندن
دوغرويه مراجعت اولنور ، وبونك ايجين اونك جسمى ياخود قافاسى واسطەسىلە اونك
حضورينك مادە شأنيلىشىدىر لمىسە احتياج اولماز . ئولويه بر تقدمە عرض اولنور ، اونى
احضار ايدرك ئولو كويا اورادە بولينور مش كى اوكا خطاب اولنور . بونوعدن واقعەلر
هر كون اجرا اولنور . بو واقعەلرە شاهد اولان اوچنچى شخصلر اونلرە هيچ دقت ايتمىزلر ،
بوكا مشابە فرصتلىر واقع اولنجه عىنى مراسمى ايفايى عادت ايدىنمىشلردىر . كىندى ايشلرينە
كورونمىز موجودلرك مداخلەسى بونلرە دنيا دة اك طبيعى برشى كليز . قامەروندە « كىجە
قارانلغندە ژوند ياتاغندن قالقار : بر رؤيا كورور ، ئولمش اقبالرندن برى كىنرلىسە مەم
تبليغاندە بولنور ، واوندن صوكر اجدادك آخرت اوينە داخل اولور . فقط داوولك لسانى
تونورلرە (آخرت اوى) . قادار واصل اولور . ايمدى ، او كىندى داوولانى آلير ، ياخود
كويك بويوك داوولنە قادار چيقار ، وئولو ايلە « قونوشمە » يە باشلار . ديكرلرى تبليغاتك
ديرىلرى علاقه دار ايتىدىكلى ايشيدىنجه يكي دن راحتجە اويورلر . »

شوحالده ، بر كىمىسە برايشە تشبث ايتدىمى ، اولاجتماعى زمرة اوزرينە مؤثر اولان
ئولولرك مساعد بولمىلرلى تاأمين ايتمش اولق لابددر . « بر كىمىسە بر سفرە چيقمە يە نيت
ايتدىمى كىندى كوينك رئيسى بولور ، واوكا نيتنى سويلر . رئيس كىندى سلفنك جسم
لطيفنە بر تقدمە عرض ايدر . بو تقدمە ، بر پارچە اوندن عبارتدركە ياواشجە حق كىندى
ياتاغنك باش اوچنە سرپەر ، ياخود بونك ايجون ئولمش قاردهشك اوينك بالقوننە كىدە بىلبر
تقدمە سنى سرپەر كن ، بوكلملرى سويلر : « بنم اوغلم كلىدى ، اوسياحتە چىقيور . اونك
كوزىنى نورلاندر ، سياحتندە اوكا نكهبان اول ، بوچوجوقلە برابر بولون ، صاپ صاغلام
كرى دونسون ! بوسياحتە چىقمىسنى ، وموفق اولمىسنى سندن رجا ايدرم ! »

« اكر اونى قوباركن اينجە براوجى اولان مخروطشكلى آلمازسە بو اوغورسز بر فالدر
عزيمت تاخير اولنور . بوسفر فالك نيجين فنا ظهور ايتدىكى ايصاح ايدەجك كاهنە ، باقىجى يە
مراجعت اولنور احتمال بو كىمىسە يە تجربە يە يكي دن باشلامى سويلنەجكدىر . اكر بوسفر

مخروط لارم اولدینی کی شکل ایدرسه ، بو حالدہ معبودک (ٹولو) سادہ جہ او کیمسہ نک عزیمت ایتهدن اول بر یاخود ایکی کون بکلمسنی ایشتدیکی ، وشبهه سز بونک ایچین غایت معقول برسب اولدینی بدیهیدر . فقط ، اکر مخروط ینه شکل ایتهدن امتناع ایدرسه ، یکیدن کاهنه مراجعت اولنور کاهن ایشه باشلار ، وتولش براقربانک بوامتناعه سبب اولدینی بولور ، الخ . . .

« اون کوزمل برانجه اوچ ایله شکل ایدنجه هرشی تنظیم ایدلمش اولور . بو ایلك اشارت کفایت ایتیز . رئیس بوسفر اونی برقاب ایله ثورتیر ، وکیجه او یله جہ اونی براقیر . اویقوسسندہ سیاحت حقندہ بر رؤیا کورہ بیلیر ، وبورؤیا اتخاذا اولونه حق حرکتہ قرار ویردیر . عکسی حالدہ او ، صباحلین ایرکندن تقدیمہ یی کورمہ یہ کیدر ، اکر مخروط بر طرفدن ییقیلیمش ، آرتق اوجی قلامش ایسہ فال فنا اولمش اولور . اون چالیلغہ آتیلیر . ٹولونک جسم لطیفی سیاحتہ مخالفت ایتشدیر ، وارلق سیاحت موضوع بحت اولمار . بو حالدہ کاهن چاغیریلیر . فقط اکر اون کندی شکلی محافظہ ایدرسہ فال ایدر : معبود تقدیمہ یی قبول ایتمش ، ومسئولی اسعاف ایتمش اولور . کویک رئیس او کیمسہ یہ تام برامیتلہ حرکت ایتسنی سولیر . »

موسیو ماقدونالد بر آرز دایا صوکر ا دیورکے ، اون یرنہ ہم تقدیمہ ہمدمہ کاهن اولمق اوزرہ بیرا استعمال اولنور . « اکر بیرا یرہ دوکولدیکی وقت قوملی بر یراوزرندہ اولدینی کی ، انجاق برلکے تشکیل ایدرسه ، بو معبودک قبول ایتدیکنہ اشارتدیر ؛ اکر بالعکس ، طوپراقده داغیلیرسہ (یالکز بر محلدہ طوپراق ایچوبده قایب اولمامش اوله رق) فال غیر مساعددر . » تقدیمہ نک واصل اولدینی نتیجہ ، عینی زمانده کندیسندن سؤال اولنان ٹولو رئیسک جوابنی ده بیلدیرمکدر .

بو خصوصی حالدہ ، عزیمت ایتمک ایستین یرلی کندی اجدادندن بریسی ایله استخارہ ایتیز . کندی تصویرنی کویک رئیسہ بیلدیرر ، وادوم تولمش اولان کندی سلفہ مراجعت ایدر . بو ، او رئیسک یالکز یولچینک محتاج اولدینی بر حامی اولدیغندن دولای دکلدر . اجتماع زمرہ نک صیق تساندندن دولای زمرہ اعضاسندن برینک تہلکہ یہ دوشدیکی هرشی ، دیگرلرینی علاقہ دار ایدر . یولہ چیقان کیمسہ یہ فلان یاخود فلان ماجرایہ دوشہ بیلیرکے بوندن متولد الک آغیر مسئولیتلر طائلہ سنہ ، سمیہ سنہ ، قبیلہ سنہ توجه ایدر ، وزمرہ نک بوندن تبری ایتمک حق یوقدر . ایمدی ، بر فرد رئیسنی خبردار ایتمکسزین یولہ

حقیقہ ماز ، حتی رئیس یولجینک محذور سز اوله رق یوله حقیقہ جغندن امین اولدقجه کیده مزه .
 بوکا ناصیل امین اولور ؟ بزم تقدیمه ، استخاره ، یاخود باقیجیلق نامی آلتندہ اشارت
 ایدہ جکمز عملیه واسطه سیله امین اولور . بوبر تقدیمه در ، چونکہ رئیس کورونمز عالمک بر
 قدرتنه ، بر ثلویہ (بوکا میسیونہ لرلر معبود دیورلر) بر غذا تقدیم ایدیور . بوکذلک بر
 استخاره در : ثلودن تصور اولنان تشبثی تقدیر ایدوب ایتدیکنی بیلدیرمسی رجا اولنیور .
 نہایت ، بو بر باقیجیلق طریقیدر ، چونکہ اون مخر وطنک ناقص اولدیغنه ویا اولدیغنه
 کورہ آلدیغی شکل اعتباریله سیاحک موفق اوله جخی ویا اولمیہ جخی ، عزیمت ایدہ جکی ویا
 واز کچہ جکی بیلنیر . علاوہ ایتک لازم کلیرکہ ، ابتدائیلر موضوع بحث اولدیغی وقت ،
 کلمہ نک معتاد اولان معناسنجہ بوبرد طادرده : یعنی رجا اولنان قدرت اوزرینہ ایقاع ایدلمش
 تأثیرہ عائد آزچوق مظلم حسیات ایلہ ، بر تقدیمه واسطه سیله اجری ویرلمش حمایہ و یاردم طلبیدرہ
 باشقا یرده ، مثلاً انکلیزلرہ عائد شرقی آفریقاده قاویروندولردہ عملیہ تقدیمہ اوزرینہ
 اجرا ایدلمش اولقلہ برابر اولا تقدیمہ عرض اولنور ، عملیہ صوکرادن ایفا اولنور .
 « خاستالغہ قارشى بر دیگر علاج یفوقرو *Ifukho* تسمیہ اولنان بر کوچوک حیوانی جانلی
 جانلی یا قالا مقدن عبارتدر . خاستا و طائلہ سی قولوبہ نک قاپیسنک اوکنده طوپلانیرلر .
 کوستبکی یا قالا یان کیمسہ بر پنچہ ایلہ اونى طوتار ، واولا خاستا ، صوکر او کیمسہ ، صوکر
 دیگرلری حیوانک اوزرینہ توکورورلر ، وهرکس توکورورکن شویله دیر : « ای بزم
 اجدادیمز ، بزه یاردم ایدیکز ، وبو کوستبکک خاستالغی کیدرمه سنی یولنہ قویوکز . بزم
 سزه تقدیم ایدہ جک بر قویونمز یوق ، فقط چالیلغک بر قویونی اولان بو کوستبکی قبول
 ایدیکز . » (قاویروندولر یفوقهویہ وحشی قویون دیرلر ، واقعا بو حیوان هیچ بر صورتلہ
 قویونہ بکزه مزسده اونلر بویله دیر .) ایمدی ، کوستبک جانلی اوله رق بردلیکہ قونور !
 وچه ویرلمش برقاب اونک اوزرینہ وضع اولنور . اگر کوستبک یرک آلتندن قولوبہ دن
 اوزاقلاشدیران براستقامت طوته جق طرزده کنندینہ بریول آچارسہ خاستا اییلشہ جکدر ؛
 اگر عکسی بر استقامت طوتارسہ خاستا ثولہ جکدر : اجداد دطایہ قارشى قولاقلرینی
 طیقامشلردر . « بوصول کلمہ معنالیدر . اجداددن طلب اولنان شی سادہ جہ « اوله جق
 وقعہ بی ، بیلدیرمکدن عبارت دکدر ، موفقیتی توفیق ایتک وتأمین ایتمکدر .